

Asun Wankláán Aní Yohane Lówanlín

¹ Asa ɔ́yí lebelin a, Asón ámu bu inu. Asón ámu mva Bulu bu inu. Asón ámu gyí Bulu.

Asón Aní Itehá Nkpa

² Asón ámu mva Bulu bu inu asa ɔ́yí lebelin. ³ Músó Bulu lótsɔn bwe tógyító. Tɔtɔtɔ má inová Bulu lóbwɛ tsɔn mu ɔma. ⁴ Mvɔ nkpa itsú. Nkpa ámu tópu wanki ba ahá fée ní. ⁵ Wanki anfi tɔwánkí oklúntɔ, táme oklún mókógyi músó ki.

⁶ Bulu lówa oyin ɔkúá butetí mu Yohane* sísí. ⁷ Ɔleba bebláa ahá wanki amu iwɛ asón, ménɛ ahá fée bóhɔ asón ámuɔvɔ gyi. ⁸ Megyí Yohane onutó gyí wanki amu. Mu mó wanki amu iwɛ asón ɔleba bebláa ahá. ⁹ Ɔhá ámuó ogyi wanki onutó, ɔtɔwánkí há ɔhagyíɔha amu ɔbá ɔyító.

¹⁰ Ɔbu ɔyí ánfítɔ. Músó Bulu lótsɔn bwe ɔyí, táme ɔyí ánfítɔ atsiápu bumebi mu. ¹¹ Ɔleba mu onutó ɔmátó, táme mu pi bumeɔhɔ mu. ¹² Táme ɔleha ahá aní bóhɔ mu, hɔ mu gyi fée ɔkpa aní buɔbwée Bulu abí. ¹³ Amó Bulu abí bwe motsú líntɔ, ntée nyankpɔsa apébweɔ, ntée oyin ɔwólɛ ɔkpasu. Mboun Bulu onutó lóbwɛ amó mu abí.

¹⁴ Asón ámu lébemlí nyankpɔsa, oletsiá anitɔ. Awitɔle pu ɔnɔkwali són létsiá mvɔ. Anilówun mu numnyam. Mu Si lówa mu numnyam amu, tsúfɛ Obí ɔkókónú ɔkole pé ogyi há mu.

* **1:6** Asú Ɔbɔpu Yohane

15 Yohane léle mu súná, tói tsú mu iwí òbée, “Jni iwí asón nēblí mbée, ‘Jhá ámú obuo mi òbá ámu òn mi, tsúfé òbu inu asa bəkwí mí’ ” ní.

16 Mu awítale itsə. Ini sù òde awítale tsətsətsə áfi wa há aní fée ní. 17 Mosesu Bulu mbla ámu ná ileba, táme ònəkwali móa awítale mú ina aní Wíe Yesu Kristosu ileba. 18 Jhaa mókówun Bulu kí. Obí òkòkónú òkole pé, mu onutó ogyi Bulu, otsie Jsí ámu gyəpísu, Jsí ámu tēhíe kle mu asón ámu, nkole labláa aní alíá Bulu gyí.

*Asú Jbəpú Yohane Bulu Asón Jkanda
(Mateo 3:1-12; Marko 1:1-8; Luka 3:1-18)*

19-20 Yudafə ahande áni bubu Yerusalem bəwa Bulu igyí ahapú pú Lewifə Yohane wá bēe buyéfité mu bēe, ma ogyi? Yohane mési asvansu njáin amó. Jlele bláa amó òbée, “Megyí mígyí Kristo, (Jhá ámú Bulu ladá mu ofúli amu).” 21 Befité mu bēe, “Mómú fóggyí ma? Fóggyí Elia?”

Jlele mú ònó òbée, “Megyí mígyí Elia.”

Betrá fité mu bēe, “Fóggyí Bulu ònósú òtəipú amú òbēba amu?”

Jlele mú ònó òbée, “O-o.”

22 Mú befité mu bēe, “Ma fuhíe fəgyi? Bla aní, méni abéyébláa ahá ámú bəwa aní ámu. Nkálí fódēblí tsú fó onutó iwí?”

23 Yohane ləpə asón áni Bulu ònósú òtəipú Yesaia léblí tswi lé mú ònó òbée,

“Mígyí Jhá ámú òdeklón dimbísú òbée,

‘Mlitswii aní Wíe ikpa ámu ha mu’ amu ní.”

24-25 Inu Farisifə akvá bəwa Yohane wá é befité mu bēe, “Ní megyí fóggyí Kristo amu, megyí fóggyí Elia ntée Bulu Jnósú Jtəipú amú òbēba amu é á, ntogyi sù fude ahá asú bə?” 26 Yohane léle mú ònó òbée, “Ntsu ndepubó ahá asú, táme Jha òku bu mlitə nfi,

mliméyín mu. ²⁷ Mɔgyí ɔhá ání obuo mi ɔbá ní. Mmɔfun ání nésankí mu ntukuta ɔfé kpán.”

²⁸ Asón ánfí fée léba Yordan ntsu ɔbɪn Betania wúlutɔ. Inó Yohane létsiá bó ahá asú ní.

Bulu Okúfabi

²⁹ Ɔyi kehe a, Yohane lówun ání Yesu ná ɔbá mu wá. Mú ɔlebláa ahá ámu ɔbée, “Mlɪki, Bulu Okúfabi amu ɔbá á. Musú Bulu tɔtsun sí ɔyító ahá lakpan kíe amó ní! ³⁰ Mu iwɪ asón neblí mbée, ‘Ɔku buo mi ɔbá. Ɔɔɔn mi, tsúfée ɔbu inu asa bɔkwí mí’ ní. ³¹ Mí onutó mmeyín mu, táme neba nde ahá asú bɔ, méni Israelfɔ bébi ɔhá ání ogyi.”

³² Yohane léblí ɔbée, “Nowun Ɔye Wankíhé amu, ɔlekplí tsú ɔsúsú fée abróduma bogyonká musu. ³³ Mí onutó mmeyín mu, táme Bulu lówa mí ɔbée mbá bɔpu ntsu bɔ ahá asú. Mulebláa mi ɔbée, ‘Ɔhá ámúú fówun Ɔye Wankíhé amu ɔbékplí tsú ɔsúsú bogyonká musu ámu ɔbɔpu Ɔye Wankíhé amu bó ahá asú ní.’ ³⁴ Nawun ání ilaba mútɔ. Mú su nde mu iwɪ adánsie gyí mbée, mɔgyí Bulu mu Bi ámu ni.”

Yesu Akasípó Agyankpapu

³⁵ Mú ɔyi kehe a, Yohane muva mu akasípó abanyó besankí ba inu. ³⁶ Bréá Yohane lówun Yesu détsúɔn a, ɔleblí ɔbée, “Mlɪki, Bulu Okúfabi amu ná inu á.”

³⁷ Akasípó abanyó ámu bonu asón ánfí. Mú su bekplá buo Yesu. ³⁸ Yesu lédamlí kɪ wun ání bobuo mu. Mú ɔlefité amó ɔbée, “Ntɔ mlidédunká?”

Befité mu bee, “Osunápó, nkúnɔ futsie?”

³⁹ Yesu léle mú ɔnó ɔbée, “Mlɪba beki.” Mú su ayin abanyó ámu bobuo Yesu yéki mu otsiákpá. Ibóbwe fée ntópwe donatɔ. Betsiá mu wá tá owí.

⁴⁰ Ayin ámóú bonu asón ání Yohane lébli tsú Yesu iwí, bekplá buo Yesu amutó okole gyí Simon Petro mu pio Andrea. ⁴¹ Mú oma a, ito gyankpapuá Andrea lóbwe gyí, oloyódunká mu pio Simon, bláa mu obéé, “Anilawun Mesia.” (Mú asi gyí, “Kristo”, ohá ámóú Bulu ladá mu ofúli amu.)† ⁴² Inu olekpa Simon ba Yesu wá.

Yesu léki mu díin, olebli obéé, “Fúgyí Yohane mu bi Simon ni. Tsú nde púya a, bétí fú Kefa.” (Griiki oblító “Petro.” Mú asi gyí, “Butá.”)

Filipo Mva Nataniel Ti

⁴³ Gyí kehe a, Yesu lóbwe obéé móyo Galilea omátó, olowun Filipo. Mú o lebláa Filipo obéé, “Buo ni.” ⁴⁴ Filipo otsú Betsaida, Andrea mva Petro wúlutó. ⁴⁵ Filipo lówun Nataniel, o lebláa mu obéé, “Anilawun oyin ámóú Mose lówanlín mu iwí asón wá Bulu mbla ámutó, Bulu onósú atáipú amu é bowanlín mu iwí asón ámu. Mu dá gyí Yesu. Mu si gyí Yosef, otsú Nasaret wúlutó.”

⁴⁶ Nataniel léfité mu obéé, “Itó yilé ku bétalí dali tsu Nasaret wúlutó?”

Filipo lébláa mu obéé, “Ba afubeki.”

⁴⁷ Bréá Yesu lówun Nataniel obá mu wá á, o lebli obéé, “Israelyin onutónutó ní. Afunu kuku ma mutó.”

⁴⁸ Nataniel léfité Yesu obéé, “Nkálí lóbwe febi mí?”

Yesu léle mú onó obéé, “Nowun fu bréá fubu pಂತo-oyí ámu asi inu, asa Filipo lébeti fú.”

⁴⁹ Nataniel lébláa mu obéé, “Osunápó, fúgyí Bulu mu Bi Israel Owie amu ni.”

† 1:41 Kristo igyi Griiki oblí, Mesia é igyi Hebri oblí.

50 Yesu lébláa mu ɔbéɛ, “Alí ámóú nabláa fu mbéɛ, nowun fu pɔntɔ-oyí ámu asi ámu su fah-ogyi? Fówun ofúla ání idɔn ínu.” 51 Yesu létrá bláa mu ɔbéɛ, “Ɔnɔkwali nde mli bláa, mlówun ání ɔsósó lafinkí, Bulu-abɔpu buɔe ɔsósó yɔ yínkí bá Nyankpɔsa-Mu-Bi ámu su.”

2

Ɔkátsiá Kana Wúlutɔ

1 Ɔke sáásí a, betsiá ɔká Kana wúlu ání ibu Galilea ɔmátó. Yesu mu yin bu inu. 2 Beti Yesu mua mu akasípó é mú asi. 3 Bréá amú ntá leta á, Yesu mu yin lébláa mu ɔbéɛ, “Bu tráa buma ntá.”

4 Yesu lébláa mu ɔbéɛ, “Amó yín, yéɛ megyí mí asón igyi o! Mí bré mɔkónyá fon.”

5 Mu yin lébláa wóyí ámu ɔ asúmpó ɔbéɛ, “Mlibwe dinka asóngyiasón ání ɔbébláa mli su.”

6 Yudafɔ butɔfwí iwɔ amó amándié ɔkpasu. Mú su bɔpu awɔndi akpɔnkpɔnkpɔnti asie yáí wóyí ámu ɔ. 7 Yesu lébláa inu asúmpó amu ɔbéɛ, “Mli sa ntsu bola awɔndi ámu féé.” Lélé besa. 8 Inu ɔlebláa amú ɔbéɛ, “Mli sa iku ya nkesu ɔkípu amu.” Besa ya mu. 9 Ɔleda mú ɔnó á, ɔladámlí bwé ntá. Omeyín ɔtínéá benya ntá ámu tsú. (Táme asúmpó amu mú buyin.) Inu ɔleti ɔká otsiápu amu ya itsétó, 10 ɔlebláa mu ɔbéɛ, “Nta wankláán ɔhagyíɔha tegyankpá yáí. Ní bonu mú tá asa butɔpó móá ima ale ba. Táme fó mó fapú wankláán ámu yáí bɔfon séi.”

11 Inu gyí osúna gyankpapu ání Yesu lóbwɛ ní. Ɔlbwɛ mó Kana ání ibu Galilea ɔmátó, pólé mu numnyam ɔwan. Uleha mu akasípó bɔhɔ mu gyi.

¹² Ini ɔma a, Yesu muva mu yin, mu apió pò mu akasípó bɔyɔ Kapernaum wúlutɔ, yétsiá inu nke kpalobí.

Yesu Bulu ɔtswékpa Yo

(*Mateo 21:12-13; Marko 11:15-17; Luka 19:45-46*)

¹³ Bréá nkeá Yudafɔ bɔpɔgyi Israelfɔsu Katsun Nke lowie wóyí tá á, Yesu lódu yó Yerusalem.

¹⁴ ɔbɔyɔ Bulu ɔtswékpa amu wunsinésó yówun ání ahá buɔde nnantswie, akúfa pú abróduma fe. Olowun aku é bɔtsie mpónóasi buɔde kóba tsée. ¹⁵ Inu ɔlbwɛ mpli, wíé amótó, gyáa amóa mbwi ámu fée dálí. Olowutá kóba atsépu amu mpónú dá, dá amú kóba sáín. ¹⁶ Mú ɔlebláa abróduma afeɔpú ámu ɔbéɛ, “Mlile amó nfi! Mlimápu mí Sí wóyító bwé mli ibiá ogyíkpa.” ¹⁷ Iniá ɔleba ali su á, mu akasípó amu bekaín Bulu asun wanlínhé anfisɔ. “Fó osúmkrá amu asón ihíe igyi mí asunbogya.”

¹⁸ Yudafɔ ahande amu beba Yesu wá befité mu beɛ, “Osúna mɔmu fóbwe pósúná ani ání Bulu túmitɔ fúde ini bwe?”

¹⁹ Yesu lébláa amó ɔbéɛ, “Mlibwie Bulu ɔtswékpa anfi, nɔpu nkensá yí mú.”

²⁰ Yudafɔ ahande amu bebláa mu beɛ, “Nfi aduana-sie kéké bɔpɔgyi obu anfi. Mú fó mú feɛ, fɔpu nkensá yí mú?”

²¹ Táme mu nyankpɔsa-oyí iwɛ asón ɔdeblí, megyí Bulu ɔtswékpa amu. ²² Bréá Bulu lókɔsúa mu tsú afúlítɔ ɔma a, mu akasípó amu bekaín ání ɔleblí asón anfi. Mú su bɔhɔ Bulu asón pú Yesu asun blíhé amusu gyi.

Yesu Yin Nyankpɔsa Klɔntɔ

²³ Yesu lóbwε osúna tsòtsòtsò Israelfòsu Katsun Nke ámotò bréá òbu Yerusalem, ahá tsòtsòtsò bowun. Mú su bòhò mu gyi. ²⁴ Táme Yesu mópu ansí dínká amósó, tsúfé oyin alá amó féé bogyi. ²⁵ Mehián aní òhaa òbébláa mu òha iwí asón, tsúfé mu onutó oyin asón aní ibo nyankpòsa kòntò.

3

Yesu Mva Nikodemo

¹ Yudafò òhande òku létsiá, bütetí mu Nikodemo. Farisiyin ogyi. ² Òleba Yesu wá eke òku onyé bebláa mu òbéε, “Osunápó, aniyin aní Bulu lówa fò sísí fé ató osunápó. Tsúfé òhaa méetalí bwé osúna anfi fúdebwε ánfí, ní Bulu móbúo mu.”

³ Yesu léle mú ònó òbéε, “Ònòkwali nde fú bláa, òhaa méetalí nyá Bulu ogyi iwíε m̀su, nkéti balákwíi mu.”

⁴ Nikodemo léfité mu òbéε, “Nkálí b́lakwíi òhá aní aladan? Òbétalí sánkí wíε mu yin iputò, òb́lakwíi mu?”

⁵ Yesu léle mú ònó òbéε, “Ònòkwali nde fú bláa. Ní b̀melakwíi òku tsun ntsu móa Òje Wankihétò á, òméetalí wíε Bulu iwíegyí ámotò. ⁶ Òyulúu nkpa itsú nyankpòsatò, òhétò klé é itsú Bulu Òhétò. ⁷ Mú su máha mú iwa fú wánwan aní nabláa fu mbéε, ilehián aní b́lakwíi mli. ⁸ Afú t̀tsun yo òtínéá ideklé. F̀tonú mú nka, támε f̀meyín òtínéá itsú p̀ òtínéá iyó. Alí kén igyi há òhagyíòha aní bakwíi mu tsú Òh́é ámotò ní.”*

⁹ Nikodemo léfité mu òbéε, “Ngya ntò asón ní?”

¹⁰ Yesu léle mú ònó òbéε, “Israelfò osunápó yilé f̀gyi, mú féε f̀m̀kónú asón ánfí asi? ¹¹ Ònòkwali

* **3:8** Òh́é móa afú lehan aba Griiki òblító.

nde fú bláa. Tóá aniyin iwí anidétóí tsú, tóá anilawun é iwí anidé adánsiye gyí, táme mlitamahó aní asón ámu. ¹² Ní nebláa mli tóá ide mósó yó oyi ánfító, mlimóhogyi a, nkáli íbóbwe nebláa mli tóá ide mósó yó osósó mboun mlóhogyi? ¹³ Ohaa mókódú yó osósó inu kí, nkéti Nyankpusa-Mv-Bi ámú olotsu inu ba amu.

¹⁴ “Alí ámú Mose lópu kóobri iwó sián oyísó, tsú mó líi dimbísú inu ámu a, alí kén ilehián aní bédá Nyankpusa-Mv-Bi ámu mántá oyísó, tsú mó líí,† ¹⁵ méní ohagyíoha aní olóhó mu gyi obénya nkpa aní itamatá ní. ¹⁶ Tsúfé dwé Bulu léhie dwé anyánkpúsa. Mú su olópu mu Bi okokúnú okule pé ámu há, méní ohagyíoha aní olóhó mu gyi omóowu, mboun obénya nkpa aní itamatá. ¹⁷ Bulu mópu mu Bi ámu sísí oyi ánfító obéé, obá begyi ahá asón, oha ahá ipón, mboun obéé, obá bəhə ahá nkpa.

¹⁸ “Ohá aní olóhó mu Bi ámu gyi lagyi asu. Ohá aní omóhó mu Bi ámu gyi a, Bulu lahá mu ipón dodo, tsúfé omóhó mu Bi okule pé ámu gyi. ¹⁹ Alí obéha ipón ámu gyí, wanki amu laba oyító, táme ahá bədwə oklún don wanki amu, tsúfé lalahé abwepú bugyi. ²⁰ Ohagyíoha aní otəbwé lalahé tolú wanki amu. Otamakpókpe mantáa mú, tsúfé ode ifú nya aní mu bwehé bélin owan. ²¹ Táme ohá aní otəbwé yilé tehá wanki amu təwánkí wólí musu, méní ahá bówun aní Bulu apé odebwe.”

Yesu Mva Asú Obəpó Yohane

²² Iní oma a, Yesu mva mu akasípú bedali Yerusalem yó Yudea omátó. Betsiá inu kpalobí, oletsíá bə ahá asú. ²³ Alí bré ámutə á, Yohane é

† 3:14 Mu oyikpaliheso sián iwí asón odebli.

dé ahá asú bọ Aenon nsáintọ, mantáa Salim wúlu. Tsúfẹ ntsu dada nsiné inu. Ahá betsiá yó mu wá, oletsíá bọ amú asú. ²⁴ (Bumakónyá kítá Yohane tswi obu ali bré ámutọ.)

²⁵ Iwígyoráa iwí nwéengyí ku lẹba Yohane akasípú pọ Yudayin oku nsiné. ²⁶ Inu Yohane akasípú bọyọ mu wá yébláa mu bee, “Osunápor, yé fakáin oyin ámúbú fúa mọnyọ mlilétsiá Yordan bunkpá obin, fegyí mu iwí adánsiẹ wankláán ámọsu? Ọde ahá asú bọ, ahá fẹé bode mu wá ya.”

²⁷ Yohane léle mú onó obé, “Ọhaa méetalí bwé tọtọ, nkéti Bulu lahá mu okpa. ²⁸ Mli onutó mlétalí gyi mi adánsiẹ ání nẹbláa mli mbé, ‘Megyí mígyí Kristo amu, táme Bulu lówa mí gya mu nkpa.’ ” ²⁹ Inu ọleha amú yébi obé, “Ọká otsiápu bú mu ka. Ọká otsiápu amu mu nyawie é tetsiá oká otsiákpá inu, mẹni ansí bégyi mu ní onú mu nyawie amu ọme. Ali kén ansí de mí gyí séi ní. ³⁰ Mí atumabi béta wíé mu kletọ.”

Ọhá Aní Olotsu Ọsúsú Ba

³¹ Ọhá ámúbú otsú ọsúsú ámu dun ọhagyíọha. Ọhá ání otsú ọsulúsu é gyí ọsulúsu ọha. Ọsulúsu asún ọteblí, táme ọhá ání otsú ọsúsú dun ọhagyíọha. ³² Otegyi tóá alawun pọ tóá alanú iwí adánsiẹ, ọhaa tamahọ mu asun blíhé. ³³ Táme ọhagyíọha ání ọlọhọ mu asun blíhésu gyi dé mósú si ání Bulu asún igyi ọnakwali. ³⁴ Ọhá ámúbú Bulu lówa ámu telé Bulu asún blí, tsúfẹ Bulu tọpọ Ọhẹ ámu bọlá mọtọ. ³⁵ Ọsí ámu tọdwé mu Bi ámu, alapú túmi fẹé wá mu ibitọ. ³⁶ Ọhagyíọha ání ọlọhọ mu Bi ámu gyi bu nkpa ání itamatá. Ọhagyíọha ání ọmọhọ mu gyi má nkpa ání itamatá. Bulu isubítí é idin mọsu.

4

Yesu Mva Samariayintse Oku

¹ Farisifo bonu ání Yesu dé abúopu nya, bó amó asú don Yohane. ² (Táme megyí Yesu onutó dé amó bɔ. Mv akasípó dé amó bɔ.) ³ Bréá Yesu lébi ání Farisifo ámv banú asún ánti á, ɔledali Yudea ɔmátó yínkí yó Galilea ɔmátó. ⁴ Táme lehián ání ɔbótsun Samariafɔ ɔsolósu.

⁵ Yesu lóyówie Sikar ání igyi Samaria wúlu kutɔ. Wúlu anfi bu mantáa ɔsolósu kuá Yakob lópuhá mv bi Yosef bímbí ámv. ⁶ Inú Yakob ibún bu ni. Okpa ámv bu ifó. Mú sv Yesu lótsutsúa obowie unv á, ilapíán mv. Mú sv oletsiá ibún ámv asi. Alí bré ámvɔ á, ilabwé fé ɔpawísú.

⁷ Inv á, Samariayintse oku léba ntsu ɔsakupá. Yesu lókulí mv ɔbéε, “Nobwíi ipa, ha mí ntsu annu.” ⁸ Alí bré ámvɔ á, Yesu akasípó bɔyó wúluto yóhɔ atogyihe.

⁹ Yudafɔ butamapó ibi da Samariafɔ nwe núu ntsu. Mú sv ɔtsi ámv léfité Yesu ɔbéε, “Yudayin fɔgyi, mí é Samariayintse ngyi. Nkálí igyi só fɔde mí ntsu kulí?”

¹⁰ Yesu léle mú ɔnó ɔbéε, “Ní fɔyin Bulu atokiehé pú ɔhá ání ɔde fú ntsu kulí á, tekí fókulí mv, ɔbéha fú ntsu ání itehá nkpa.”

¹¹ ɔtsi ámv lébláa mv ɔbéε, “Ani sí, fɔmedé ɔfé, ibún ántiɔ é bu oklú. Nkónv fénya ntsu ání itehá nkpa? ¹² Fódɔn aní náin Yakob ání olokwi ibún ánti há aní, mva mv abí pú amó mbwí bonu ntsu móttó?”

¹³ Yesu léle mú ɔnó ɔbéε, “ɔmewóli bélakítá ɔhagyíɔha ání otonu ibún ántiɔ ntsu. ¹⁴ Táme ɔhagyíɔha ání obónu ntsuá néha mv a, ɔmewóli

méetrá kitá mu ekekeke. Ntsu ámúú néha mu amu ibédamli ntsu owíkpa mutò aní ibélin ha nkpa aní itamatá.”

¹⁵ Ɔtsi ámu lébláa mu obée, “Ani sí, ha mí ntsu ánfi ku, ménì omewóli méetrá kitá mí, mméetrá ba nfi é besa ntsu.”

¹⁶ Yesu lébláa mu obée, “Yeti fó kúlu amliba.”

¹⁷ Ɔtsi ámu léle mú onó obée, “Mma okúlu.”

Yesu lébláa mu obée, “Ɔnòkwali igyi fablí aní fuma okúlu. ¹⁸ Tsúfé fatsía akúlu tse nu ki. Mégyí fó kúlu gyí oyin ámúú fúa munya mliná séi ámu é. Fawá onòkwali.”

¹⁹ Múú Ɔtsi ámu lébláa mu obée, “Ani sí, nawun aní Bulu onósú Ɔtáipó fuyi. ²⁰ Ani anáin Samariafò bosúm Bulu ibu ánfisu, táme mli Yudafò mú mliaa Yerusalem kóun lehián aní ohagyíoha obósum Bulu.”

²¹ Yesu lébláa mu obée, “Ɔtsi, hò mí asón ánfisu gyi. Bré ku béba aní ahá boméetrá súm Ɔsí ámu ibu ánfisu ntée Yerusalem. ²² Mli Samariafò mliméyín ohá aní mlidésu. Ani Yudafò mú aniyin ohá aní anidésu, tsúfé Yudafòsu ina nkpahóo leba oyító. ²³ Bré ibá, ulafon ta aní Bulu asúmpó anòkwaliwu bósum Ɔsí ámu onjéto pò onòkwaliwu. Tsúfé ahá ánfi odu Ɔsí ámu dédunká obée busúm mu ni. ²⁴ Onjé Bulu gyí. Mú su ilehián aní ahá aní butosúm mu bósum mu onjéto pò onòkwaliwu.”

²⁵ Ɔtsi ámu lébláa mu obée, “Nyin aní Mesia*, (ohá ámúú Bulu ladá mu ofúli amu) obéba. Ní obá á, obéle asóngyiasón asi súná ani.”

²⁶ Múú Yesu lébláa mu obée, “Mí ánfi nde fó asón bláa anfi gyí Kristo amu ni.”

* **4:25** Griikifò tétí Mesia bée Kristo.

27 Inu akasípó amu besankí tsú wúluto ba bətu amú. Iḡwa amú wánwan ání bawun Yesu mwa ɔtsi bvlí budətóí. Táme amótó ɔkuku métalí fité ɔbée, “Ntə fodedunká tsú mu wá, ntée ntogyi só fóa ɔtsi ámu mlidétóí?”

28 ɔtsi ámu lési mu ɔló yáí inu, yínkí yó wúluto yébláa ahá ɔbée, 29 “Mlɪba amlɪbeki oyin ɔkúá al-abláa mi tóá nabwé ki féé. Mlɪlahogyi mlɪaa, megyí Kristo amu ni?” 30 Mú su ahá bedali tsu wúlu amoto beki Yesu.

31 Ali bré ámuto á, mu akasípó ámu bude mu kokóli beɛ, ogyíi ató.

32 Táme ɔlebláa amú ɔbée, “Mbu tóá négyi, mlɪmýín mú iwɪ kukukú.”

33 Mú su akasípó amu befité aba beɛ, “Ntée ɔku labeha mu taku alagyi?”

34 Yesu lébláa amú ɔbée, “Mí atogyihe gyí ání nóbwe tóá ɔhá ámúú ɔḡwa mí sísí ámu ɔbée mbwée, ammə mú ɔnó. 35 Yéɛ mlɪteblí mlɪaa, ‘Tsra ana pé lasí ayó tɪnbɪ bófon?’ Táme nde mlɪ bláa mbée, mlɪtsu ansí ki adɔbúv amuto, ayó ámu ilabli fon tɪn. 36 Bude mu atɪnpv akə ka dodo. Bude mú tɪn yaí há nkpa ání itamatá. Mú su ansí bégyi adupú móa atɪnpv amu féé ekewóle. 37 Mú su ɔnəkwalɪ igyi buteblí beɛ, ‘ɔku todú, ɔku é tetɪn.’ 38 Nḡwa mlɪ mbée mlɪyétɪn ayóá mlɪmýɔ mú odukpá. Aha bambá lóyɔ mú iwɪ agyómá, ilawá labi há mlɪ.”

39 Samariafɔá bəbv wúlu amuto tsətsəətsə bəhə Yesu gyi, adánsɪe ámúú ɔtsi ámu légyi suná amú ɔbée, “Alabláa mi tógyítóá nabwé mí nkpatə féé” ámu su. 40 Inɪ su bréá beba Yesu wá á, bokokóli mu beɛ, otsía amú wá. Yesu létsiá inu nkenyó.

41 Yesu asɔn blíhé su Samariafɔ ámu tsətsəətsə é belahə mu gyi. 42 Bebláa ɔtsi ámu beɛ, “Megyí fú

asón ámu sọ anulétrá hẹ mu gyi ngya o. Anı onutó anılanú, anılawun anı lélé oyin anıfi gyı ayıtó Nkpa Ọhọpu amu ni.”

Ọhande Ọku Mu Bi Ilo Tsa

⁴³ Nkenyó ámu ọma a, Yesu lénatı yó Galilea ọmátó. ⁴⁴ (Tsúfẹ mu onutó olowun blı ọbẹe, “Butamabú Bulu ọńsọ ọtọpọ mu onutó ọmátó.”) ⁴⁵ Bréá olowie Galilea a, ınufo bọhọ mu atúu, tsúfẹ amó onutó bọyọ Yerusalem Yudafoşu Katsın Nke ámu ogyíkpa. Mú su bowun tóá ọbọwe ınu fẹé.

⁴⁶ Yesu létrá yinkı yó Galilea ọmátó, Kana wúlutọ, ọtıné ámuó ọledamlı ntsu bwé ntá ámu. Ọmá ọhande ọku tsie Kapernaum wúlutọ. Ọbu obi yinhé ọkúá ọda ọdelọ. ⁴⁷ Bréá ọhande amu lónu anı Yesu latsú Yudea ba Galilea a, olegya mu ọkpa yókokóli mu ọbẹe, mu bi yinhé lawú tá, ọkplı ba Kapernaum, ọbetsa mu ilo ha mu. ⁴⁸ Yesu lébláa mu ọbẹe, “Mú su ní mlımókówun osúna a, mlımóọhọ mi gyı ekekekeke?”

⁴⁹ Ọmá ọhande amu lébláa mu ọbẹe, “Owıé! Nı anı ayabi mọwa ọsa á, kebi ámu obówu.”

⁵⁰ Yesu lébláa mu ọbẹe, “Yọ! Fú bı ámu obénya nkpa!”

Oyin ámu lóhọ asón ámuó Yesu lébláa mu amusu gyı, oleyinkı ayó wóyı. ⁵¹ Bréá ayó á, mu asúmpó beba befa mu, bláa mu bee, “Fú bı ámu lanyá nkpa.”

⁵² ınu ọlefıté amó bréá ıwı lówa mu bi ámu ọnlın. Bebláa mu bee, “Owısó ámu lési mu ıgye ọpa ọd-kuletọ.” ⁵³ ınu á, ọlekaın anı alı bré ámuoto kén Yesu lébláa mu ọbẹe, mu bi ámu obénya nkpa ní. ıni su muu mu wóyıtófo fẹé bọhọ Yesu gyı.

⁵⁴ ıni gyı osúna nyọọsıá Yesu lóbwe bréá olotsu Yudea ba Galilea ni.

5

Tsukole Osínvú Okv Ilo Tsá

¹ Asún ánfí òma a, Yesu lódu yó Yerusalem Yudafò Bulusúm nke kv ogyíkpa. ² Bòpwe buntíi wá wúlu amv. Bokwi ibún kv mantáa buntíi amv okpa onó kvá butetí mó Akúfa Otsónkpa. Butetí ibún ámv Betesda Hebri òblító. Beyi mbu anu bómlí mó. ³⁻⁴ Alòpv tsòtsòtsò búbun ibún ámv así mbu ánfító. Amótó akv bugyi ansibi abwiepú, abò pú tsukole asínvú.* ⁵ Oyin okvá alasin tsukole nfi advasa-kwe (38) kéké da inu. ⁶ Bréá Yesu lówun mv a, olowun ání alaló, dí inu wá opá. Mó sv òlefíté mv òbéé, “Fòdeklé fée iwí iwá fú onlín?”

⁷ Tsukole osínvú amv léle mó onó òbéé, “Owíé, ní bowúli ntsu ámòtò á, mma ohá ání obótsu mí wá mótó. Nòtsutsúa ambòbwe á, okv lagyankpá wíé mótó dodo.”

⁸ Yesu lébláa mv òbéé, “Kusu! Tsu fú oklan, afonati!” ⁹ Inuonunv oyin ámv iwí lówa mv onlín, òòkúsó tsú mv oklan, wá natí bi.

Alí eke ámv igyi Yudafò Okpónú Odaké. ¹⁰ Mó sv Yudafò ahande beka oyin ámóú Yesu latsá mv ilo ámv ansító, blí bee, “Nde igyi Okpónú Odaké. Aní mbla meha okpa ání fósorá fú oklan.”

¹¹ Odebláa amó òbéé, “Ohá ámóú òletsá mí ilo ámv lébláa mí òbéé, ‘Tsu fú oklan, afonati.’ ”

¹² Mó sv befíté mv bee, “Ma lébláa fv òbéé, futsúu fú oklan afonati?”

¹³ Oyin ámv mébi ohá ání òletsá mv ilo, tsúfè ahá bvhíé butso inu, Yesu lófwí wá amótó.

* **5:3-4** Mótó yéé 4 bu nwóló dada amv akotò: Ibv nu bu inu á, Bulu-òòpò tobowulíi ntsu ámòtò. Iní sv butsie inu bugyo mv. Tsúfè ní òbá bowulíi mó á, fòá fegyankpá wíé mótó á, fòtenyá ilotsá.

14 Ɔma a, Yesu lóyówun mu Bulu ɔtswékpa unu. Mú ɔlebláa mu ɔbéε, “Yéε fawun ání iwí lawá fú ɔnlɛn. Mátrá bwe lakpan, ménɛ múá idɔn ínɛ méeba fɔsu.”

15 Oyin ámu léyébláa Yudafo ahande amu ɔbéε, Yesu létsa mu idɔ. 16 Iníá Yesu dé ntobí ánfɛ odu bwe ɔkpónú ɔdaké su á, Yudafo ahande amu ɔɔwa mu kpekpee bi. 17 Táme Yesu lébláa amú ɔbéε, “Mí Sí mókúsí agyómá yɔ. Mú su mí é mmókúsí.”

18 Mu asɔn blíhé anfi su á, Yudafo ahande amu bekle ání bómɔ mu ɔkpagyíɔkpasu. Tsúfé megyí ɔkpónú ɔdaké mbɛla ámu nkɔle tóun su, mboún ɔleblí ɔbéε, mu si gyí Bulu, ilosuná ání muɔ Bulunyɔ bugyi kékéε.

Bulu Téhá Mu Bi Amu Túmɛ

19 Yesu léε mú ɔnó ɔbéε, “Ɖnɔkwali nde mli bláa. Mí Bulu mu Bi ánfɛ onutó mméetalí bwé tɔtɔ mí iwísu. Tóá nowun ání mí Sí débwe á, mú ntɔbwé.

20 Tsúfé mí Sí tɔdwé mí, otosúná mí itáá mu onutó ɔdebwe féé. Inn! Ibówa mli wánwan ání obósuná mí múá idɔn ali. 21 Ali ámuú mí Sí tɔkósɔá ahá tsú afúlito, há amú nkpa ámu a, ali mí é ntehá ahá ání ndeklé nkpa ní. 22 Mí Sí tamagyi asón há ipón, táme alapú asóngyí féé wá mí ibitɔ, 23 ménɛ ɔhagyíɔha obóbu mí fé aliá otobú mí Sí ámu. Ɖhá ání ɔtamabú mí tamabú mí Sí ámuú ɔlɔpu mí sísí ámu é.

24 “Ɖnɔkwali nde mli bláa mbéε, ɔhagyíɔha ání otonú mí asón, ɔtɔhɔ ɔhá ámuú ɔlɔwa mí sísí ámu gyi, bu nkpa ání itamatá. Bulu méegyí mu asón, há mu pón, tsúfé aladáli lowutɔ ba nkpatɔ dodo.

25 Ɖnɔkwali nde mli bláa. Bré kv ubá. Bré ámu ilawúna fɔn ání ahá ání bugyi fé aha wuhé† bónu Bulu mu Bi ámu ɔme. Amúá bonu mú bénya nkpa.

† 5:25 Ahá ání bawú ɔhétó.

²⁶ Tsúfẹ mí Sí búv túmi, ɔtehá nkpa. Alí kén alahá mí ánfí ngýi mv Bi ánfí túmi, ɔbéé nháa ahá nkpa ní. ²⁷ Alahá mí túmi ɔbéé, ngýíi ahá asón, tsúfẹ mígyí Nyankpúsa-Mv-Bi ámv ní. ²⁸ Asón ánfí imáwa mli wánwan. Bré kv íbá, afúli fẹé bónu mí ɔme, ²⁹ kósó. Amúá bɔbwe yilé bélakósó, nyá nkpa ání itamatá. Amúá bɔbwe laláhe a, négyi amú asón, há amú ipón.”

³⁰ “Mméetalí bwé tɔtɔtɔ mí iwísv. Asón ání nonú tsú mí Sí wá á, mú ntɔpúgyí asón. Mú só ntegyi asón ɔnɔkwalísv ní. Tsúfẹ ntamabwé tóá mí onutó ndeklé, mboun tóá ɔhá ámúú ɔlɔwa mí sísí ámv tekle.”

Yesu Iwi Adánsie Wankláán Agyipó

³¹ Yesu lóyɔ mósó blí ɔbéé, “Ní mí onutó negyi mí iwí adánsie á, mlimóɔhɔ mú ání ɔnɔkwalí igyi.‡ ³² Bulu é tegyi mí iwí adánsie. Nyin ání mí iwí adánsie ámúú odegyí amv igyi ɔnɔkwalí. ³³ Mlilawá abí sísí Yohane. Alabláa mli ɔnɔkwalí amv. ³⁴ Mí mó á, mmehián anyánkpúsa adánsie. Mboun nde mli asón ánfí bláa, méní Bulu ɔbóhɔ mli nkpa. ³⁵ Yohane asón blíhé lɔbwe fé ɔkandíe ání idewankí. Mú sv mlilótsulá gyi mó ɔdwe kpalobí. ³⁶ Mbu tóá itegyi mí iwí adánsie, idv Yohane klé amv. Agyómá ámúú mí Sí lawá ɔbéé mbwée mɔ mó ɔnó, nde mó bwe ámv dé adánsie gyí ání mulówa mí sísí. ³⁷ Mí Sí ámúú ɔlɔwa mí ámv onutó lagyi mí iwí adánsie. Mlimókónu mv ɔme, mlimókóvwun mv é kv. ³⁸ Mlimóhɔ mv asón wá mli klvntɔ, tsúfẹ mlimóhɔ mí ámúú ɔlɔwa sísí ámv gyi. ³⁹ Mlikíá mlénya nkpa ání itamatá tsú Bulu asón wanlínhé amvɔ. Mú só mli ansí lapé, mlidé mó kasí ní. Mí iwí adánsie Bulu

‡ **5:31** Mose mbla lósuná ání ahá abanyó ogyi adánsie.

asun wanlínhé amu idegyí. ⁴⁰ Táme mlilakíná mí wá bá, méni mlénya nkpa ámu.

⁴¹ “Mmedédunká mbéε, ahá bukánfu mí, ⁴² tsúfé nyin mli dodo. Nyin ání mlitamawé Bulu tsú mli klontɔ. ⁴³ Naba mí Sí dátɔ, mlimóhɔ mi. Táme ní zha bambá zɔ́á mu onutó iwisu á, mlóhɔ mu. ⁴⁴ Mlitekleá mlékanfú aba, támε mlitamabó mbódí ání Bulu zɔ́kule pé ámu zɔ́kánfu mli. Nkálɪ ɪbóbwe mlóhɔ mi gyi? ⁴⁵ Mlimákɪ mliaa, néle mli ɪlá mí Sí ansítɔ. Mose amúú mli ansí ɪɪn musu mliaa zɔ́bóhɔ mli nkpa ámu mboún zɔ́béle mli ɪlá Bulu ansítɔ ní. ⁴⁶ Ní lélé mlíhɔ Mose asónsú gyi a, tekɪ mlóhɔ mí asónsú gyi, tsúfé mí iwɪ asún zɔ́wanlín tswɪ. ⁴⁷ Táme ɪniá mlimóhɔ tɔ́á zɔ́wanlín tswísu gyi a, nkálɪ ɪbóbwe mlóhɔ mí asun blíhésu gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ ɪni zɔ́a a, Yesu mɔ́a mu akasípú befa Galilea zɔ́wá butetɪ mó Tiberia amu yó mó zɔ́n. ² Zɔ́m betsiá buo mu, tsúfé zɔ́de alɔ́pu tsa wánwansu. ³ Mɔ́a mu akasípú bɔ́ɔ yó okúku kusu, yétsiá asɪ ɪnu. ⁴ (Alɪ bré ámutɔ á, Yudafɔ nkeá bɔ́pɔgyi Israelfɔsu Katsun Nke ámu ɪlafun ta.) ⁵ ɪnu Yesu lótsu ansí fúá wun ání zɔ́m kpɔ́nkpɔ́nkpɔ́ntɪ beɔ́a mu wá. Múú zɔ́efité Filipino zɔ́béε, “Nkúnú abénya atogyihe hɔ ha ahá ání bégyi?” ⁶ (Yesu léblí asún ání púsɔ Filipino kɪ, tsúfé oyin tɔ́á zɔ́bɔ́wε dodo.)

⁷ Filipino léle mó zɔ́nɔ́ zɔ́béε, “Ní apó tsra kwe ɪkɔ́ká hɔ atogyihe kóráá á, ɪmóɔfun ání okugyíɔku obénya kpalobí gyí!”

⁸ Simon Petro mu pio Andrea, ogyi akasípó amoto okole lébláa Yesu obéé, ⁹ “Oyimbi oko dé bodobodo apín pútúpútú anu pó ntsutso iye bwáhé anyo. Táme nto íni bóbwe ahá tsotsotsa áñfi?”

¹⁰ Yesu lébláa mu akasípó amu obéé, “Mliha amó abutsiatsia asi.” Ahá ámu fée betsiá ifásó. Ayin áni bubu amótó bóbwe fé mpím-nu (5,000). ¹¹ Múú Yesu lóhó bodobodo amu, dá Bulu ipán, ogha beye mú há ahá amóú butsie inu ámu. Ali kén obwwe ntsabi buáhé amu é ní. Amótó okugyíokó lénnya alíá odeklé.

¹² Begyi mwe sian. Yesu lébláa akasípó amu obéé, “Mlikola síanhe amu, méni imóbwe ato yintáhé.”

¹³ Lélé, botó síanhe amóú benya tsú bodobodo anu ámuto ámu. Ilobulá alakpá dúanyo kéké.

¹⁴ Ahá ámu bowun osúna anfi Yesu labwé áñfi. Mú su beblí bee, “Lélé, oyin áñfi gyí Bulu onósó otáipó amóú bowanlín mu iwí asún wá Bulu asúntó bee, obéba oyító ámu ní.” ¹⁵ Yesu lówun áni ahá ámu babwé agywun bee, béba bekitá mu owonlínító yáí mu iwíe. Mú su mu nkole oledadó yó nkpa sí amó.

Opusu Natí

(Mateo 14:22-33; Marko 6:45-52)

¹⁶ Bréá owí ləpən a, Yesu akasípó beklí ba Galilea opu onó. ¹⁷ Owí latá, táme Yesu mókóyínkí botu amó. Mú su bədu wíe oklontə, budefa bəyó Kapernaum. ¹⁸ Afú kpənkpənti ku léba idetsúon, opu amu lówa dabi. ¹⁹ Ali bré ámuto á, akasípó amu baplá oklon amu yó fé máulí asa ntée ana. Inu bowun áni Yesu ná opu amusu obá amó wá. Mú su ifú lekítá amó. ²⁰ Táme Yesu lébláa amó obéé, “Mí ní, mli mánya ifú!” ²¹ Inu botsu mu wá oklon amoto ansigyísó. Ilotsutsúa iwanki amó á, oklon amu lawíe osubúnə, otíné amóú bəyó ámu.

Yesu Dunká

²² Ɔyí kehe a, ɔdɔm amúú besi bubu ɔpu amu ɔbin inu ámu bowun ání ɔklɔn kɔku itráa melíí inu. Múá tekí ilí inu ɔ akasípó amu bowie náttí ní. Bowun ání Yesu mówie mótó asa benatí. ²³ Mú ɔma a, nklɔn aku lótsu Tiberia wúlutɔ belíí mantáa ɔtíné ámúú begyi bodobodo amúú Yesu léda Bulu ipán póhá amú ámu. ²⁴ Ɔdɔm amu bowun ání Yesu lanátí inu, mu akasípó amu é buma inu. Mú su bɔɔw wíé nklɔn amu ɔ yó Kapernaum, buɔe Yesu dunká.

Bodobodoá Itéhá Nkpa

²⁵ Bréá ɔdɔm amu boyówun Yesu ntsu ɔbin inu á, befité mu beɔ, “Osunápó, bré mɔmu fobowie nfi?”

²⁶ Yesu lébláa amú ɔbéɔ, “Ɔnɔkwali nde mli bláa. Megyí osúna amúú nde bwe mli déwúun amu su mli gyá mí ɔkpa. Mboún bodobodo amúú neha mli, mli légyí mwe ámu su. ²⁷ Mli máwun ipian atogyihe ání iteyíntá su. Mboún mli wun ipian múá ibétsiá yó, ibéha nkpa ání itamatá, ání mí, Nyankpɔsa-Mu-Bi ánti néha mli su. Tsúfé mí mí Sí Bulu lahiɔ nsu ání mbu ɔkpa há mú.”

²⁸ Befité Yesu beɔ, “Gyuma mɔmu abwéɔ isuna ání anidé tóá Bulu tekle bwe?”

²⁹ Yesu léle mú ɔnó ɔbéɔ, “Tóá Bulu déklé ɔbéɔ mli bwéɔ gyí, mli hɔ mí ánti ɔlɔwa sísí ánti gyi.”

³⁰ Inu befité Yesu beɔ, “Osúna mɔmu fóbwe abówun, méni abóhɔ fu gyi? Ntɔ fóbwe? ³¹ Aní anáin begyi mana dimbí ámu su. Bɔwanlín mú wá Bulu asún ámu ɔ beɔ, ‘Mose léha amú atóá ilotsu ɔsúsú bá begyi.’ ”

³² Múú Yesu lébláa amú ɔbéɔ, “Ɔnɔkwali nde mli bláa. Megyí Mose léha mli atogyihe amu tsú ɔsúsú. Mí Sí léha mli bodobodo onutónutó ámu tsú ɔsúsú.

³³ Tsúfẹ bodobodo ání Bulu tẹhá gyí mí ánfí natsú ɔsúsú bá, nebá beha ɔyító ahá nkpa ánfí.”

³⁴ Ahá ámu bebláa mu beε, “Owíé, tsia ha aní bodobodo anfi brégyíbré, tsú séi pọya.”

³⁵ Yesu lébláa amú ɔbéε, “Mígyí bodobodo amúú itehá nkpa ámu ni. Akón méεkitá ɔhá ání ɔleba mí wá εκεκεεκε. Ɖmεwóli méεkitá ɔhá ání ɔlɔhɔ mi gyi é εκεκεεκε. ³⁶ Fẹ alíá nebláa mli á, mliawun mi, támε mliumókúhɔ mi gyi ɔɔfɔn séi. ³⁷ Ɖhagyíɔha ání Ɖsí ámu léha mí ɔbéba mí wá. Mméεgya ɔhagyíɔha ání ɔleba mí wá. ³⁸ Tsúfẹ mmotsu ɔsúsú ba mbéε, nebá ɔɔbwe tóá ndeklé. Mboún tóá ɔhá ámuú ɔlɔwa mí sísí ámu déklé ɔbwekpá neba. ³⁹ Tóá ɔhá ámuú ɔlɔwa mí sísí ámu déklé gyí, ahá ámuú ɔlɔpɔhá mí ámuú ɔkɔku mádali mí ibi. Mboún nkúsɔa amú fẹé tsu afúlitɔ εke tráhe amu. ⁴⁰ Tóá mí Sí ámu tekle gyí, ɔhagyíɔha ání olowun mí, mu Bì ánfí, hɔ mi gyi obénya nkpa ání itamatá. Nókúsɔa mu tsú afúlitɔ εke tráhe amu.”

⁴¹⁻⁴² Iníá Yesu lébli ɔbéε, “Mígyí bodobodo amúú notsu ɔsúsú ba amu ni” su á, Yudafo ámu ɔɔwa mu wuntí bi. Beε, “Megyí Yosef mu bi Yesu amu ni? Aníméyín mu si muɔa mu yin? Ɖkpa mεmu sú ɔdebli ɔbéε, ‘Ɖsúsú notsu neba?’ ”

⁴³ Yesu lébláa amú ɔbéε, “Mlisi wuntí mli wɔlewɔle. ⁴⁴ Ɖhaa méetalí ba mí wá, nkéti mí Sí ámuú ɔlɔwa mí sísí ámu lakpá mu ba mi. Mí é nókúsɔa mu tsú afúlitɔ εke tráhe amu. ⁴⁵ Bulu ɔnású atáípú amú ɔkɔ lówanlín tswi ɔbéε, ‘Bulu obósuná ahá fẹé ató.’ Ɖhagyíɔha ání alanú mí Sí asún, kásí mú tsú mu wá teba mí wá. ⁴⁶ Ɖhaa mókúwun Ɖsí ámu ki. Mí ánfí notsu Bulu wá bá anfi nkɔle láwun mu ki. ⁴⁷ Ɖnɔkwali nde mli bláa. Ɖhagyíɔha ání ɔlɔhɔ mi gyi bu nkpa ání itamatá. ⁴⁸ Mígyí bodobodoá itehá

nkpa ní. ⁴⁹ Iniá mli anáin begyi mana dimbísú óó á, amó fée bowu. ⁵⁰ Táme bodobodo anfi gyí móa ilatsú osósú bá, méni ohagyíoha aní obégyi mó móowu ní. ⁵¹ Mígyí bodobodo amóú ntehá nkpa, natsú osósú ba amu ni. Ohagyíoha aní ogyi bodobodo anfi obétsiá nkpa, omóowu ekekekeke. Mí oyulú gyí bodobodo amu. Mó nési há, méni oyítófo bénya nkpa ní.”

⁵² Inu Yudafó amu benya asón anfi Yesu lablí anfi iwí obló. Amó wuwuwu begyi aba nwéen bee, “Nkálí oyin anfi obétalí pú mu oyulú há aní obéee agyi?”

⁵³ Yesu lébláa amó obéee, “Onokwalí nde mli bláa. Ní mlimégyi mí, Nyankpusa-Mu-Bi anfi oyulú, nu mí obugya a, mlimá nkpa aní itamatá kukukuku mlito. ⁵⁴ Ohá aní olegyi mí oyulú, nu mí obugya bu nkpa aní itamatá. Nókusóba mu tsú afúlitó eke tráhe amu. ⁵⁵ Tsúfé mí oyulú igyi atogyihe onutó, mí obugya é igyi atonuhe onutó. ⁵⁶ Ohá aní ogyi mí oyulú, nu mí obugya tsie mlito, mí é ntsie mlito. ⁵⁷ Mí Sí Okiankpawu amu lówa mí sísí. Mu só mbu nkpa. Mó su fóá fegyí mi a, mí su fú é fubu nkpa. ⁵⁸ Mígyí bodobodo onutóá notsu osósú ba ni. Mli anáin begyi mána, táme bowu. Ohá aní ogyi bodobodo anfi mó obétsiá nkpa aní itamatá.”

⁵⁹ Yesu léblí asón anfi bréá ode ató suná Kapernaum, Yudafó ofiakpa.

Nkpa Aní Itamatá Asón

⁶⁰ Yesu abúopu tsotsotsó amuto aku bonu asón anfi á, beblí bee, “Atosunáhé anfi mó bu onlin o! Ma obétalí ho mó?”

⁶¹ Yesu lówwun aní mu abúopu amuto aku bude wunti aní alabli ali su á, ofefité amó obéee, “Asón

ánfi ilahan mli? ⁶² Mómó ní mlowun Nyankpɔsa-Mu-Bi ámu ɔyó ɔtínéá olotsu ba me, nkáli mlóbwé? ⁶³ Bulu Ɖhé ámu téhá nkpa. Nyankpɔsa ɔwɔnlín mú á, kpaali ígyi. Asón ánfí nde mli bláa anfi itsú Ɖhé ámúú ɔtehá nkpa ámu wá, ⁶⁴ táme mliɔ akɔ bɔmɔhɔ mósó gyi.” Yesu lówun amóá bɔmɔhɔ mósó gyi pú ɔhá ání ɔbéle mu há yáí dodoodoo. ⁶⁵ Ɖletrá bláa amú ɔbéle, “Iní sù nebláa mli mbéle, ɔhaa méetali ba mí wá, nkéti mí Sí lakpá mu ba mí” ní.

⁶⁶ Tsú eke ámu a, Yesu abúopɔ amu tsɔtsɔɔtsɔ beyinkí mu ɔma, bɔmetrá buo mu. ⁶⁷ Mú sɔ Yesu léfité mu akasípú dúanyɔ ámu ɔbéle, “Mli é mliɔdekléá mléyinkí mí ɔma lóó?”

⁶⁸ Simon Petro lébláa mu ɔbéle, “Owíé, ma wá abóyɔ? Fú wá asón ání itehá nkpa ání itamatá bu. ⁶⁹ Anilahogyi, anilabí ání fógýí Ɖha Wankíhé amúú fotsú Bulu wá ámu ni.”

⁷⁰ Inu Yesu lébláa amú ɔbéle, “Mli ahá dúanyɔ nele, táme mliɔ ɔku gyí ɔbɔnsám!” ⁷¹ (Simon Iskariot mu bi Yuda ɔde á. Tsúfé ogyi akasípú dúanyɔ ámɔɔ ɔkɔle. Mu ɔbéle mu há ní.)

7

Yesu Mva Mu Apio Yinhé

¹ Mú ɔma a, Yesu létsiá kí Galilea ɔmátó. Omekleá ɔbóyɔ Yudea ɔmátó, tsúfé Yudafɔ ahande amu bɔde mu tée abɔmɔ mu. ² Táme Yudafɔ Kantankpatɔtsiá Nkegyí lafon. ³ Mú sɔ mu apio yinhé bebláa mu be, “Nati yɔ Yudea nke ámu ogyíkpá, méni fú abúopɔ amúú bɔbɔ inu ámu é bówwun ofúla ání fodebwé. ⁴ Ɖhá ání odekléá ahá bɔbí mu gyu-magyihe tamanjín iwí. Iníá fúde ntobíá igyi ali bwé

á, wuna le mú suna, oyi fée abowun.” ⁵ (Mu apíó ámu kórará bómòhò mu gyí. Mú sù bebláa mu alí ní.)

⁶ Iní sù Yesu lébláa amú òbée, “Bréá nógò inu m̀akónyá f̀un. M̀li mú mlétalí yó inu brégyíbré. ⁷ Oyítófò bóméetalí lú m̀li, táme mí mú b̀ude mí lu, tsúfè nde amú ilá le. ⁸ M̀lyò nke ámutò. Mí mú mm̀akónyá yó, tsúfè mí bré m̀akófun.” ⁹ Yesu léblí asún ánfí tá á, olesi tsiá Galilea òmátó.

Yesu Kantankpatatsiá Nke Amv Ogyikpá Yò

¹⁰ Táme bréá Yesu apíó ámu benatí yó nke ámu ogyikpá a, mu é olenjain iwí yó inu. ¹¹ Yudafò ahande amu bodunká mu nke ámu ogyikpá, b̀ude ahá fité b̀ee, “Oyin ámu me?”

¹² Òd̀am amu beblí asún tsòtsòtsò nklobítò tsú Yesu iwí. Aku b̀ee, “Oha wankláán ogyí.” Aku é b̀ee, “Èkèkèkè, òde ahá mlé.” ¹³ Táme amótò ohaa métalí blí mu iwí asún kókló ahá abonu, tsúfè b̀ude Yudafò ahande amu ifú nya.

¹⁴ Bréá bowie nke ámu nsiné á, Yesu lódu wíé Bulu òtswékpa wunsinésú inu yéfi ató suná así. ¹⁵ Mu atosunáhé lobwie Yudafò ahande amu ònó. Mú sù befité aba b̀ee, “Oyin ánfí m̀ókókásí òwuló yó nkpá. Nkálí il̀b̀we asa òlebi òwuló alí?”

¹⁶ Yesu léle mú ònó òbée, “Megyí mí wá atosunáhé anfi itsú. Itsú Bulu wá. M̀l̀wá mí sísí. ¹⁷ Ní òku dékléá òb̀b̀we Bulu apé á, obówun ní atosunáhé anfi itsú mí wá ntéé Bulu wá. ¹⁸ Ohá aní òde mu onutó asún blí dé mu numnyam dunká. Táme ní òku todúnká numnyam há ohá aní òl̀wa mu sísí á, ò̀nkwalìp̀u ohá ámu gyí. Otamawá afunu. ¹⁹ Yéé Mose l̀p̀p̀ m̀bla ámu ba m̀li a? Táme m̀l̀tò ò̀k̀k̀u m̀dé m̀sú gyí. Ntogyi sù m̀l̀dékléá m̀l̀m̀ mí?”

20 Inu ɔɔm amu bebláa mu beɛ, “Oɲe laláhe bu futɔ! Ma dékléá ɔbómɔ fú?”

21 Yesu lébláa amó ɔbéɛ, “Ofúla kuɛ pé nɔbwɛ ɔkpónú ɔdaké, mli fée ɔnó lobwie mli. 22 Mose lówa mbla há mli ɔbéɛ, mli tɪn keté. (Ibu mótó ání megyí Mose lótsɔ keté tɪn, mli anáin léfi mú asɪ.) Yéɛ mú sú mli tɪn ahá keté ɔkpónú ɔdaké ní a? 23 Ní mli dé keté tɪn ɔkpónú ɔdaké, méni mli mósó ɔkɔsú líi Mose mbla ámu sɔ á, ntogyi sɔ mli lanyá ɔbló mísú mli aa, natsá nyankpɔsa kéein ɔkpónú ɔdaké? 24 Mli yɔ asóntó wankláán, asa amlíha ipón. Mli pu ɔnɔkwali gyi asón.”

Yesu Iwi Nwéengyi

25 Yerusalemfɔ aku befité amó iwɪ beɛ, “Megyí oyin ánfɪ Yuda fɔ ahandɛ bu dedunká abómɔ ní? 26 Megyí mu líi ahátɔ ɔdetɔí, amótó ɔkɔku mékpla mu a? Ntée ilawánkí amó ání megyí Kristo, (ɔhá ámú Bulu ladá mu ofúli amu) ní? 27 Oyin ánfɪ mú a, aní fée aniyin ɔtínéá otsú, táme ní Kristo ámu ɔbá á, ɔhaa méebi ɔtínéá otsú.”

28 Bréá Yesu bu mósó ɔde ató ámu suná Bulu ɔtswékpa wunsínésú inu á, olotsu ɔnó fúá blí ɔbéɛ, “Mliyin mi, mliyin ɔtínéá notsú, táme megyí mí onutó túmisu neba. ɔnɔkwali pu ɔhá ámú ɔlɔwa mí sí sí ámu gyí. Mli méyín mu. 29 Táme mí mú nyin mu, tsúfé mólówa mí sí sí. Mu wá notsu ba.”

30 Inu bekle abukita mu, táme bu mɔpu ibi da mu, tsúfé mu bré mɔkófɔn. 31 Táme amótó ahá tsɔtsɔtsɔ bɔhɔ mu gyi. Mú sɔ befité beɛ “Ní Kristo amu ɔbá á, ɔbétalí bwé osúna don mú ánfɪ oyin ánfɪ débwɛ?”

Bɔwa Beɛ Bokita Yesu

32 Bréá Farisifɔ ámu bonu ání ɔɔm amu bu de Yesu iwɪ asón blí nklobító á, amúá Bulu igyí ahapú

dēhen amv bowa Bulu ɔtswékpa agyópo bεε bokíta Yesu. ³³ Ini sv Yesu lébláa amú ɔbéε, “Ílasí nke kpalobí pé nétsiá mli wá. Mó ɔma a, néyinkí yó ɔhá ámú ɔlɔwa mí sísí ámv wá. ³⁴ Mlódunká mí, táme mlimóowun mi. Mliméetalí ba ɔtínéá mbv é ekekeke.”

³⁵ Yudafɔ ahande amv befíté aba bεε, “Nkónú oyin ánfí obótu ɔkpa yó, sv abódunká mv animóowun mv? Ntéε odekléá ɔbóyɔ Griikifɔ awúlu amú aní pi badásáin yó músú ámvsv, ntéε obóyósuná Griikifɔ ámv ató? ³⁶ Asón ánfí ɔdeblí é así mé? Ɖbéε, ‘Mlódunká mí, táme mlimóowun mi. Mliméetalí ba ɔtínéá mbv é.’ ”

Nkpa Ntsu

³⁷ Nke ámv eke tráheá ígyi eke títriu á, Yesu lókusú líí kplɔn blí ɔbéε, “Ní ɔmewóli de ɔku á, ɔbá mí wá obonu ntsu. ³⁸ Ɖhagyíɔha aní ɔlɔhɔ mi gyi a, ‘Nkpa ntsu bówi dali mɔtɔ.’ Alí bɔwanlín wá Bulu asón ámɔtɔ ní.” ³⁹ (Ɖɔɔe Wankíhé amú Bulu ɔbéha ahá aní bóhɔ mv gyi amv iwí asón ɔdeblí. Alí bré ámɔtɔ á, Ɖɔɔe Wankíhé amv mókónyá ba, tsúfé Bulu mókónyá wá Yesu numnyam.)

Ahá Amɔtɔ Leye

⁴⁰ Bréá ɔɔm amv bonu Yesu asv blíhé anfi á, amótó aku beblí bεε, “Lélé, Bulu ɔnósú ɔtáipó amú anidé mv ɔkpa kí amv ni.”

⁴¹ Aku é bεε, “Kristo amv ni!” Táme amótó aku é beblí bεε, “Yéε megyí Galilea ɔmátó Kristo amv obótsu o. ⁴² Bɔwanlín wá Bulu asón ámɔtɔ bεε, Owíe Dawid abusuantɔ Kristo amv ɔbédali tsu. Bókwií mv Betlehem, Dawid wúlutɔ.” ⁴³ Ina Yesu iwí asón ánfí sv ikulebwe metsiá amótó. ⁴⁴ Amótó aku bekle abukita Yesu, táme ɔhaa mópu ibi da mv.

Yesu Máhogyi

⁴⁵ Ọma-ọma a, Bulu ọtswékpá agyópu amú ọwá wá. Bẹfité agyópu amu bẹe, “Ntogyi su mímékítá mụ ba?”

⁴⁶ Bẹe mọ ọnọ bẹe, “Ọhaa mókútói fẹ oyin ánfí kí!”

⁴⁷ Farisifo ámu bẹfité amú bẹe, “Mú su oyin ámu lamlé mli é. ⁴⁸ Mhílawun ọhande ntée Farisiyin ọku lahọ mụ gyi kí? ⁴⁹ Ekekεεkε! Ọdam anfi bumeyin Mose mbla ámu iwí tọtọ. Mú su Bulu ọlwí amú.”

⁵⁰ Inu Farisifo ámutọ ọkule, ogyi Nikodemo amú ọlọyọ Yesu wá onyé ámu léfité amú ọbée, ⁵¹ “Ani mbla leha ọkpa ání abéha ọku ipón asa abéfité mụ ọnótọ asún nú?”

⁵² Bẹfité mụ bẹe, “Galileayin fọ é fógyi? Kí Bulu asún ámutọ wankláán. Fówun ání Bulu ọnósú ọtáipọ ọkọkọkọ móotsu Galilea ọmátọ.” ⁵³ [Inu amú féeé benatí yó wóyítọ.

8

Ọtsi Ọku Mbvatọ Pọ Mv Kítá

¹ Bréá ahá amu bẹdasáín á, Yesu lódu yó Nfọ-nyíbu ámusu*. ² Mú ọyi kehe bake a, oleyinkí ba Bulu ọtswékpá wunsínésú inu. Ahá ámu féeé beba mụ wá. Mú su oletsiá asi, olefi asi ọde amú atọ suná. ³ Bréá ọdetọí á, Farisifo pọ Mose mbla asunápu amu bekpá ọtsi ọkọá bakítá mụ, ọde mbvatọ ba belí amú ansítọ. ⁴ Mú ọ bebláa Yesu bẹe, “Osunápu, bakítá ọtsi ánfí mbva ọtákpá. ⁵ Mose Mbla ámu léblí ọbée, adáa atsi ánfí odu abwi mọ. Nkálí fudeblí tsú asún ánfí iwí?” ⁶ Asúnklé sọ bẹfité mụ asún ánfí, abuyọtọ mụ

* **8:1** Nfọ-nyíbu igyi obubwí kọá ọbọ mantáa Yerusalem, bọtetí mọ Olifbu.

ha ahande. Inu Yesu lóbun, pú osrebi ɔde ató wanlín ɔsolúto.

⁷ Bréá butráa buɔe asún ámu fité plá á, olobwii tsíá, bláa amó ɔbé, “Mlito ɔhá ání ɔmɔkóbwé lakpan ki ogyánkpa da ɔtsi ánfí ibwí.” ⁸ Ɔleblí mó ali á, oleyinkí bun ɔde mu ató wanlín ɔsolúto. ⁹ Bréá ahá ámu bonu mu asún ánfí á, bɔwa natí ikole-kole bi, tsú ahandesu bɔtu nyebísó. Ilebese Yesu mu ɔtsi ámu nkole ɔvon nsiné inu. ¹⁰ Yesu lóbwii tsíá, ɔlefíté ɔtsi ámu ɔbé, “Ɔtsi, nkí ahá ámu me? Ɔkuku mésián ání ɔbéha fú ipón?”

¹¹ Ɔtsi ámu lélé mó ɔnó ɔbé, “Owíé! Ɔkuku méha mí pón o!” Mú Yesu lébláa mu ɔbé, “Ibu alé! Mí é mmécha fú ipón! Natí, mátrá bwé lakpan.”]†

Ɔyító Wanki

¹² Iní ɔma a, Yesu léyinkí bláa Farisifo ámu ɔbé, “Mígyí ɔyító wanki ni. Ɔhagyíɔha ání obuo mi obénya wanki ání ibéha mu nkpa, oméesein oklúnto ekekekeke.”

¹³ Inu á, Farisifo ámu bebláa mu be, “Nfóli tamakánfú mu iwí. Fumɔkóblí tɔto.”

¹⁴ Yesu lébláa amó ɔbé, “Ní mí onutó nde mí iwí adánsie gyí ó á, ɔnɔkwali igyi. Tsúfé mí mó nyin ɔtínéá notsú pú ɔtínéá nɔyó. Táme mluméyín ɔtínéá notsú pú ɔtínéá nɔyó. ¹⁵ Anyánkprésa asúngyí ɔkpasu mlitegyi asún tson, táme mí mó ntamagyí ɔhaa asún. ¹⁶ Ní negyi asún ó á, ɔnɔkwali ɔkpasu negyi mó tson. Tsúfé megyí mí nkole tegyi mó. Mía mí Sí amó ɔbwa mí sísí ámu nyɔ tegyi mó. ¹⁷ Bɔwanlín wá mli onutó Mbla ámutɔ be, ‘Ní adansifo abanyó beblí asun kua kole a, amó asún ibu

† **8:11** Ima Griikifo nwóló dada amu akoto.

mótó.’ 18 Mí onutó ntegyi mí iwí adánsiε. Mí Sí lówa mí sísí. Mv é otegyi mí iwí adánsiε.”

19 Befité mv beε, “Nkónú fò sí bu?”

Yesu léle mó onó obée, “Mliméyín mí wankláán, mliméyín mí Sí ámv é. Ní mliyin mi wankláán á, tekí mlébi mí Sí ámv é.”

20 Yesu léblí asún ánfí bréá oδε ató suná Bulu oτswékpa tswiτswi adáka oτsiákpá. Táme ohaa mékítá mv, tsúfé mv bré məkónyá fon.

Yesu Osósúyo

21 Yesu létrá bláa amó obée, “Mí mó nɔyó. Mlódunká mí. Mlówu wá mli lakpantə. Mliméetalí ba otínéá nɔyó.”

22 Yudafo ahandε amv befité beε, “Mó obómə mv iwí, só oδεblí obée, mliméetalí ba otínéá nɔyó?”

23 Yesu léle mó onó obée, “Mli mó mlotsú oyí ánfítə, táme mí mó notsú osúsú. Oyí ánfítəfə mliɔyí. Mm-egyí oyí ánfítəyin mí mó ngyi. 24 Mó só ndε mli bláa mbée, mlówu wá mli lakpantə ní. Mlówu wá mli lakpantə, ní mlimóhógyi ání ‘Mígyí ohá ámúú mbée ngyi ámv.’ ”

25 Befité mv beε, “Fúgyí ma?”

Yesu lébláa amó obée, “Ohá ámúú ntebláa mli yái mbée, ngyi ámv kén ntráa ndε mli bláa a. 26 Mv asún tsətsəotsəá néblí tsú mli iwí púhá mli pón. Táme onəkwalipv ohá ámúú olwa mí sísí ámv gyí. Asún ání nonu tsú mv wá ndε mli oyítəfə bláa.”

27 Iməwankí amó ání mv Si ámúú obv osúsú ámv iwí asún oδε amó bláa. 28 Mó sv Yesu lébláa amó obée, “Ní mledá Nyankpusa-Mv-Bi ámv mántá oyik-palíhesv, tsú mó líí á, mlówun ání ‘Mígyí ohá ámúú mbée ngyi’ ámv. Mlébi ání ntamabwé tətətə mí onutó túmitə. Móá mí Sí lópəwá mi onó á, mó nteblí.

29 Ǫhá ámuó ɔlɔwa mí sísí ámu buo mi. Ǫmækóyínkí mí ɔma, tsúfé tóá itegyí mu ansí ntɔbwé brégyíbré.”

30 Inu ahá ámuó bonu mu asón ánfítɔ tsɔtsɔtsɔ bɔhɔ mu gyi.

Abraham Abi-aná

31 Yesu lébláa Yudafɔ ámuó bɔhɔ mu gyi amu ɔbéε, “Ní mlobuo mí atosunáhé a, mligyí mí akasípó lélé.

32 Mlébi ɔnɔkwali amu. Ǫnɔkwali amu íbéha mlégyi íwí.”

33 Beblí bεε, “Abraham abí-aná anigyí. Anímókúbwé ɔhaa nkpábi kí. Mú ntogyi só fúde aní bláa bεε, ‘Mlégyi íwí?’ ”

34 Yesu léle mú ɔnó ɔbéε, “Ǫnɔkwali ndε mli bláa. Ǫhagyíɔha aní ɔɔbwé lakpan á, ogyi lakpan ɔkpábi.

35 Ǫkpábi tamatsiá mu wie wóyí yó, obí tetsiá mu si wóyí yó. 36 Mú su ní Bulu mu Bi ámu ɔhá mlegyi íwí á, múmó mliɔgyi íwí féé. 37 Nyin aní Abraham abí-aná mligyí, táme mliɔkléá mlómɔ mí, tsúfé mliumóhɔ mí atosunáhé. 38 Tóá nowun tsu mí Sí wá ndeblí. Mli é asón aní mliónu tsú mli sí wásó mliɔgyí.”

39 Bebláa mu bεε, “Aní sí gyí Abraham.”

Yesu lébláa amó ɔbéε, “Ní Abraham abí mligyí á, tɛkí mli bwehé lelían Abraham. 40 Mliɔkléá mlómɔ mí, tsúfé ndε mli ɔnɔkwaliá nonu tsú Bulu wá bláa. Abraham móbwe alí! 41 Mli sí bwehé mliɔébwe.”

Bebláa Yesu bεε, “Megyí mbua bɔtɔ kwí aní. Bulu onutó gyí aní Sí. Anímá ɔsí ɔkɔkɔ tsía mutɔ.”

42 Yesu lébláa amó ɔbéε, “Ní mli Sí gyí Bulu á, tɛkí mliɔɔdwé mí, tsúfé mu wá notsu ba. Múlówa mí sísí. Megyí mí onutó túmitɔ neba. 43 Ntogyi só mliumédé mí ason blíhé así nu? Mliumédé mú así nu, tsúfé mí asón de mli asutɔ wóɔ. 44 Ǫbunsám gyí mli sí. Mú

su mlitekleaá mlóbwe tóá mli sí tekle. Ahá omopú ogyi tsú nfiási. Otamabuo onokwali. Mú su onokwali kuvu ima mutó. Ní owá afunu a, mu tsiátó owan odee, tsufé ofunupu ogyi. Mogyí afunupu fée osí ní. ⁴⁵ Táme ntebli onokwali. Mú su mlitamahó mí asónsó gyi ni. ⁴⁶ Mlito ma obétalí súná ání lakpan obwepú ngyi? Ní nde onokwali blí á, mú ntogyi mlímóhó mi gyi? ⁴⁷ Ohá ání otsú Bulu wá teyáá asu nú mu asón. Mli mó mlímótsú mu wá. Mú su mlitamayáá asu nú mu asón ní.”

Yesu Mva Nanáin Abraham

⁴⁸ Yudafo ámu bebláa mu bee, “Ní abli aniaa Samariayin fugyi, oje laláhe bu futó á, anlawá afunu?”

⁴⁹ Yesu lébláa amó obée, “Oje laláhe ma mító. Ntobú mí Sí, táme mli mó mlitamabú mí. ⁵⁰ Mmedé mí iwí numnyam wa. Oha oku bu inuá ode mú dunká há mí. Mogyí asón ogyípú wankláán ámu ni. ⁵¹ Onokwali nde mli bláa. Ohagyíoha ání otegyi mí atosunáhésu omóowu ekekeke.”

⁵² Inu Yudafo ámu bebláa mu bee, “Séi ánfí mú á, anlawun ání lélé oje laláhe bu futó! Abraham mva Bulu onósú atóipú amu bawú. Táme fú mú fudebli fée, ohagyíoha ání otegyi fú atosunáhésu omóowu ekekeke. ⁵³ Aní náin Abraham lówu. Fuki fee fodon mu? Bulu onósú atóipú amu é bowu. Nkálí fúde fú iwí kí?”

⁵⁴ Yesu léle mó onó obée, “Ní nówá mí iwí numnyam a, kpaali ígyi. Mí Sí gyí ohá ání otowá mí numnyam. Mu mlidébli mlíaa ogyi mli Bulu ní. ⁵⁵ Ibo mótt ání mlímeyín mu, táme mí mú nyin mu. Ní nebli mbée mmeyín mu a, nabwé ofunupu fé mli. Mí mú nyin mu, ntegyi mu asónsó. ⁵⁶ Mli

náin Abraham lénya ansigyí ání mówun mí bábi. Olowun mó é, ansí legyi mu.”

⁵⁷ Yudafɔ ámu bebláa mu beε, “Fumakóhɔ nfi aduenu (50) kóráá, mó fee fɔtu Abraham?”

⁵⁸ Yesu lébláa amó ɔbéε, “Ɔnɔkwali nde mli bláa. Mbu inu asa bɔkwí Abraham.”

⁵⁹ Yesu lénya bí alí pé, ahá ámu bɔkulá abwi beε abɔtswi da mu mɔ. Táme Yesu lóbwe híéé, dáli Bulu ɔtswékpa wunsínésó inu.

9

Ansibi Obwiepó Ɔku Tsa

¹ Eke ɔku Yesu muɔa mu akasípú buɔna ɔkpatɔ, bowun oyin ɔkuá bɔkwí mu ansibi obwiepó. ² Yesu akasípú amu befité mu beε, “Osunápú, ma lakpan só bɔkwí oyin ánfí ansibi obwiepó? Mu onutó lakpan su lóó, ntée mu akwíópú?”

³ Yesu léle mó ɔnó ɔbéε, “Megyí mu ntée mu akwíópú lakpan su bɔkwí mu ansibi obwiepó. Mboun alíá Bulu ɔbéle mu túmi súná tson mu ɔ́ ámɔtɔ su. ⁴ Ila sí kpalobí owí ɔbéta. Ɔhaa méetalí trá yɔ agyómá. Mú su ilehián ání abóyɔ agyómá ámú ɔhá ámú ɔlɔwa mí sí sí ámu lówa mí ɔbéε nyóɔ amu. ⁵ Iníá nanya mbu ɔyí ánfítɔ á, mígyí ɔyí ánfítɔ wanki.”

⁶ Bréá Yesu lébláa amó asón ánfí tá á, olotu atsonó tswi ɔsulótɔ, ɔlɔpu osrebi tsíá isi, títi mó tan ansibi obwiepó ámu ansibisu. ⁷ Mú ɔlebláa ansibi obwiepó ámu ɔbéε, “Nati yɔfwí ansító Siloam paatitɔ.” (Siloam asi gyí, “Bɔwa mu sí sí.”) Oyin ámu lóyófwí ansító yínkí ɔbá wóyí á, ɔde ató wúun.

⁸ Mu aba pú ahá ání bɔtowun mu ɔde ató kulí befité beε, “Megyí oyin ánfí tetsíá kúlí ató bré ámu ni?”

⁹ Amútó akv beε, “Mv ni!” Akv é beε, “O-o, lían ðelían mv.”

Inu oyin ámv onutó léblí ðbéε, “Mí ní.”

¹⁰ Befité mv beε, “Nkálí ðbvwε asa fvdε ató wúun ngya?”

¹¹ ðlele mó ðnó ðbéε, “Oyin ámvú bvteí mv Yesu amv lóvwε ððiba tan mí ansíbisv. Múv ðlebláa mí ðbéε, nnátí yófwí ansító Siloam paatítv. Noyófwí, móv ndε ató wúun a.”

¹² Befité mv beε, “Nkónú ðbv?” Múv ðlele mó ðnó ðbéε, “Ohwée.”

Farisifó Ansibi Obwiepú Amv Asón Fité

¹³ Inu bekpa oyin ámvú tekí ogyi ansibi obwiepú ámv yáa Farisifó wá. ¹⁴ Eke ámvú Yesu lóvwε ððiba púbwíí mv ansíbi amv igyi ðkpónú ðdaké. ¹⁵ Mú sv Farisifó ámv belafité oyin ámv alá ðbvwε asa ðde ató wúun. ðlebláa amv ðbéε, “ððiba ðlwpotan mí ansíbisv, noyófwí ansító. Múv ndε ató wúun ngya a.”

¹⁶ Farisifó ámv akv beblí beε, “Megyí Bulu ðha oyin ámvú olobwíí mv ansíbi amv gyí, tsúfé ðtamagyi ðkpónú ðdaké mbla ámvsv.”

Táme akv é befité beε, “Nkálí lakpan ðbwεpú ðbétalí bwé osúna anfi odu? Asón anfi sv bvmetrá bwε kvle.”

¹⁷ Mú sv belafité oyin ámv beε, “Fεε mulóbwíí fú ansíbi. Amansv fvbv blí tsú mv iwí?”

Oyin ámv léle mó ðnó ðbéε, “Bulu ðnósú ðtáipú ogyí.”

¹⁸ Yudafo ahandε amv bvmohogyi ání lélé, bókwií mv ansíbi obwiepú asa séi ðde ató wúun, kpéfvn bréá betí mv akwípú ba. ¹⁹ Befité amv beε, “Mlí bí ámvú mlíaa, mv ansíbi lobwie asa mlílókwií mv amv ni? Nkálí ðbvwε asa ðde ató wúun ngya?”

²⁰ Mv akwíró amv bele mó ònó bεε, “Aniyin ání aní bí ní. Aniyin ání anulókwií mv ansibi obwiepó. ²¹ Táme alíá ðobwε asa ðde ató wúun pó ðhá ání olobwíí mv ansibi mó á, aníméyín. Kókoli mli, mlifite mv onutó. Megyí kebi ógyi, aladan. Òbétalí lé mó ònó.” ²² Mv akwíró amv bude Yudafó ahandε amv ifú nya. Mó sv beblí alí ní. Tsúfé ahandε amv bablí tswi bεε, ðhagyíðha ání ðbéblí ðbéε, Yesu gyí Kristo, (ðhá ámóú Bulu ladá mv ofúli amv) a, bégya mv lé Yudafó ofiakpa mv. ²³ Mó sv mv akwíró amv bεε, “Megyí kebi ógyi, aladan, mlifite mv onutó!” ní.

²⁴ Belatí oyin ámóú bókwií mv ansibi obwiepó ámv otse nyòsi, bláa mv bεε, “Ka ntam Bulu ansító ání féblí ðnòkwali. Aniyin ání lakpan ðbwεpó oyin ámóú olobwíí fú ansíbi amv gyí.”

²⁵ Múú oyin ámv léle mó ònó ðbéε, “Ní lakpan ðbwεpó ogyi o, yilé ðbwεpó ogyi o, mí mó mmeyín. Toku kule pé nyin. Múgyí, teki bré ámv ntamawun ató, támε séi mó ndewúun.”

²⁶ Múú befité mv bεε, “Nkálí ðobwε fú? Nkálí olobwíí fú ansíbi amv?”

²⁷ Múú ðele mó ònó ðbéε, “Nabláa mli dodoodo, támε mlumónu. Ntogyi sù ntráa bla mli? Mli é mlidékléá mlóbwε mv akasíró lóó?”

²⁸ Besia mv, bláa mv bεε, “Fúgyí mv ðkasíró. Aní náin Mose akasíró aní mó anígyí. ²⁹ Aniyin ání Bulu lítóí bláa Mose asún, támε aníméyín òtínéá oyin ánfí mó otsú.”

³⁰ Oyin ámv lébláa amó ðbéε, “Ngya ntò asún ní? Mluméyín òtínéá otsú, támε mulábwíí mí ansíbi ni o. ³¹ Aní féé aniyin ání Bulu tamanú lakpan abwεpó isu. ðhá ání otobú mó, otegyi mv mblasv isu otonú.

³² Tsú bréá Bulu lóbwe ɔyí ɔpá á, ɔhaa mókónú ání ɔkɔ labwíí ɔhá ání bɔkwíí mu ansibi obwiepó ansibi kɪ. ³³ Ní megyí Bulu ɔha oyin ánfɪ gyí á, tekɪ ɔméesalí bwé tɔtɔtɔ.”

³⁴ Ahande amu bele mó ɔnó bee, “Fú ánfɪ fɔgyi lakpan ɔbwepó tsú bréá bɔkwíí fú ánfɪ dékléá fósuná anɪ asón?” Inuɔv begya mu lé ofiakpa inu.

Ɔhétó Ansibi Bwie

³⁵ Yesu lónu ání bagya oyin ámu lé ofiakpa inu. Mó su bréá olowun mu a, ɔlefíté mu ɔbéé, “Fɔhɔ Nyankpɔsa-Mu-Bi ámu gyi?”

³⁶ Oyin ámu lébláa mu ɔbéé, “Owíé, suna mí ɔhá ání ogyi, mí anho mu gyi!”

³⁷ Yesu lébláa mu ɔbéé, “Fawun mu dodo. Mɔgyí ɔhá ánfɪ ɔde fú asón bláa séi ánfɪ á.”

³⁸ Múy oyin ámu lébláa mu ɔbéé, “Mí Wíé, nahɔ fu gyi.” Inu olosúm Yesu.

³⁹ Yesu léblí ɔbéé, “Asón ogyíkpa neba ɔyí ánfɪtɔ, ménɪ ahá ání buɔmedé ató wúun bówun ató. Ahá ání buɔdewúun é ansibi ibwie.”

⁴⁰ Farisífɔ akvá buɔbu Yesu wá inu bonu asón ánfɪ. Múy befité mu bee, “Mú su fɔdeblí fee anɪ é anigyí ansibi abwiepó?”

⁴¹ Yesu léle mó ɔnó ɔbéé, “Ní ansibi abwiepó mɪgyí á, tekɪ Bulu méeha mɪ ipón. Táme íniá mɪiaa mɪidé ató wúun su á, mɪ lakpan lasin mɪisu.”

10

Akúfa Ɔkparó Mva Mu Akúfa

¹ Yesu léblí ɔbéé, “Ɔnɔkwali nde mɪ bláa. Ɔhá ání ɔdó tsɔn akúfa ibansu wíé mótó, ɔmɔtsɔn ɔkpa ɔnó á, owikplu pú ogyo otswapó ogyi. ² Tsúfé iban ɔnó akúfa ɔkparó tɔtsɔn wie mótó. ³ Iban ámuɔv

okípu tefinkí mọ há akúfa okpapọ ámu tebitíwíé. Otápọ akúfa amu dá tí amú, butonú mu ọme, ọtekpá amú dáli. ⁴ Ní okpá akúfa amu fée dáli a, otegya amú nkpa, butobuo mu, tsúfé buyin mu ọme. ⁵ Butamabuo ọfọ. Srí butesrí sí mu, tsúfé bumeyín mu ọme.”

⁶ Yesu léha amú yébi anfi, táme bumonu mọ asi.

Akúfa Okpapọ Wankláán Amu

⁷ Yesu létrá bláa amú ọbée, “Ọnọkwali nde mli bláa. Mígyí akúfa iban ámu ọnó ní. ⁸ Awikplu pọ ogyo atswapọ ahá ání begyankpá ba fée buyi. Akúfa amu bumebi amú ọme. ⁹ Mígyí akúfa iban ámu ọnó ní. Ní oku ọsọn mitọ wíé dáli a, tọtọ mọbwe mọ. Obéyénya atọ gyí mwe. ¹⁰ Owikplu agywun gyí, ọbá bowi, ọmọ, oyinta atọ. Mí mọ neba, méni ahá bénya nkpa ání ilọfon.

¹¹ “Mígyí akúfa okpapọ wankláán ámu ni. Akúfa okpapọ wankláán totsúlá hólí mu nkpa há mu akúfa. ¹² Táme akúfa okpapọ ání ọde ipa gyí, megyí mu onutọ bú akúfa amu tesrí ní owun okpataku ọbá bekitá amú. Okpataku ámu tekítá akúfa amutọ oku, atráhe butedásáín. ¹³ Oyin ámu tesrí, tsúfé ipa keke odegýí. Akúfa amu nkpa tamahían mu. ¹⁴ Mígyí akúfa okpapọ wankláán ámu ni. Nyin mí akúfa, mí akúfa é buyin mi, ¹⁵ fé aliá mí Sí ámu yin mi á, alí mí é nyin mu ni. Ntọhólí mí nkpa há mí akúfa. ¹⁶ Mbu akúfa bámbá akú é. Buma akúfa iban ánfító. Ilehían ání nékpa amú é ba. Amú é bónu mí ọme. Amú fée bóbwe akúfa iku kule pọ okpapọ okule.

¹⁷ “Iní só mí Sí tekle mi asón ní. Tsúfé natsúlá ání nóhulí mí nkpa há ahá, méni nélanyá mọ. ¹⁸ Ọhaa méetalí swíí mí. Mí onutọ latsúlá ání nóhulí mọ.

Mbu okpa hólí mí nkpa, mbu okpa lányá mó é. Iní mí Sí lébláa mi obéé mbwée ní.”

¹⁹ Mv asun blíhé anfi sv Yudafo ahande amv bume trá bwe kule. ²⁰ Amótó akv beblí bee, “Oje laláhe bu mutó. Mv nwun ideyintá. Jhaa mátrá nu mv asun blíhé.”

²¹ Akv é bee, “Ohá ání oje laláhe bu mutó méetalí blí asón ánfí odu. Oje laláhe obétalí bwíí ansibi obwiepó ansíbi?”

Yesu Kiná

²² Ekeá butópokáin Bulu otswékpá gyurásv Yerusalem ləfɔn. Alí bré ámv igyi lilitó. ²³ Yesu lóyo odeki Bulu otswékpato otineková butetí mv “Salomo Abrándaású.” ²⁴ Yudafo ahande amv akv befia bomlí mv. Befité mv bee, “Omenke kéin asa fébláa aní onəkwali amv? Ní fógýí Kristo, (ohá amóv Bulu ladá mv ofúli amv) a, wuna le mó tii aní.”

²⁵ Yesu lébláa amó obéé, “Nebláa mli bətsɔn, táme mlimédəhogyi. Ofúla amóv ndebwe mí Sí dátó ámv dé mí iwí adánsie gyí. ²⁶ Táme mlimédəhogyi, tsúfé mlimá mí akúfato. ²⁷ Mí akúfa butonú mí əme. Nyin amó, butobuo mi. ²⁸ Ntehá amó nkpa ání itamatá. Bómóowu ekekeeke. Jhaa méetalí swíí mí amó. ²⁹ Mí Sí amóv oləpɔv amó há mí ámv dɔn tógýító. Jhaa méetalí swíí amó lé mí Sí ɪbitó. ³⁰ Mía mí Sí anigýí kule.”

³¹ Inu á, Yudafo ahande amv be trá kulá abwi bee abutswí da Yesu mə. ³² Táme Yesu léfité amó obéé, “Nabwé ofúla tsətsətsəá itsú mí Sí wá súná mli. Mótó məmv só mli dékléá mléda mí abwi?”

³³ Bebláa mv bee, “Megýí ofúla ání fabwé kvkvkvkv só aniaa abéda fó abwi. Alí amóv fablí abususu

pókósú líí Bulusu ámu su. Nyankpɔsa fɔgyi, táme fɛɛ Bulu fúgyi.”

³⁴ Yesu léfité amó ɔbée, “Bumɔwanlín wá mli Mbla ɔwɔlɔ ámɔtɔ bɛɛ, Bulu ɔbée, ‘Mligyí fé Bulu?’

³⁵ Aniyin ání ɔnɔkwali Bulu asún igyi. Mú su ní Bulu létɔ ahá amóú ɔlɔpɔ mu asún há ámu ɔbée, bɔgyi fé mu a, ntogyi só mliɔdé ɔblɔ nya? ³⁶ Mí mú á, mí Sí lélé mí yáí, ngyi mu kle, ɔlɔwa mí sísí ɔyí ánfítɔ. Ntogyi só mliɔdéblí mliaa nablí mbée, ‘Bulu mu Bi ngyi’ su nablí abususu pókósú líí musu? ³⁷ Ní megyí mí Sí agyómá ndɛbwe mú á, mliámáho mi gyi. ³⁸ Táme ní mí Sí agyómá ndɛbwe, asa mliámáho mi gyi kóráá á, múmú mliho ofúla amóú ndɛbwe ámu mú gyi, amlibi ání Mí Sí ámu bu mitɔ, mí é mbu mitɔ.”

³⁹ Betrá bwe ání békítá mu, táme ɔledali amó ɔbi, náti sí amó.

⁴⁰ Yesu léyinkí fá Yordan ɔbón ba ɔtíné amóú Yohane létsiá bó ahá asú ámu, olesi tsiá unu. ⁴¹ Ahá tsɔtsɔtsɔ bɛba mu wá, buɔɔɔ aba bláa bɛɛ, “Yohane móbwe osúna kukukɔ, táme asún ání Yohane léblí tsú oyin ánfɔ ɔwɔ fée laba mótó pépéépé.” ⁴² Ahá tsɔtsɔtsɔ bóho mu gyi unu.

11

Lasaro Lowu

¹ Oyin ɔkúá butetí mu Lasaro muva mu apio tsihé Maria pú Marta betsiá Betania wúlutɔ. Oyin ámu lólɔ. ² Maria anfi létsei mu ofobí fánfáánfán wólí aní Wíe Yesu ayabisu, pú mu imi tsítisi mó ni. Mu pio yínhé gyí Lasaro anfi ɔda ɔdelɔ á.* ³ Mú su mu apio tsihé ánfɔ bówa abí sísí Yesu bɛɛ, “Owíé, fú ɔdwepú délɔ.”

* **11:2** Iní kén bu 12:1-8tɔ.

4 Yesu lónu asón ámu a, ɔleblí ɔbéε, “Megyí ɔ́ ɔ́nfi ɔ́bómɔ́ mu, mboun ɔ́béε Bulu numnyam ɔ́wan. Ibówa mí Bulu mu Bi ɔ́nfi é numnyam.”

5 Yesu tekle Marta mu Maria pú Lasaro fée asón.

6 Táme bréá olonu áni Lasaro délɔ́ á, ɔ́letrá si tsiá ɔ́tínéá ɔ́bu nkenyó kéké. 7 Mú ɔ́ma a, ɔ́lebláa mu akasípó ɔ́béε, “Mliha ayinki yɔ́ Yudea.”

8 Mu akasípó amu befité mu beε, “Osunápó, nwén nfi Yudafo ahandε bakle abuda fú abwi mɔ́. Mú fεε fétrá yinkí yó inu?”

9 Yesu lópu yébi lé mú ɔ́nɔ́ ɔ́béε, “Megyí ɔ́nɔ́hwírɔ́ dúanyɔ́ bu εkewóletɔ́? Ní ɔ́ha ná ɔ́yi kehetɔ́ á, ɔ́tamasúti, tsúfé nsaintɔ́ lówankí, su odewúun.

10 Táme ní ɔ́ku ná oklúntɔ́ á, otosúti, tsúfé ɔ́medé ató wúun.” 11 Asón ɔ́nfi ɔ́ma a, ɔ́letrá blí ɔ́béε, “Ani nyáwíε Lasaro ladídi, táme nɔ́yó anyetsinkí mu.”

12 Akasípó amu bebláa mu beε, “Ani Wíε, ní ɔ́dedídi mú á, iwí bówa mu ɔ́nlin!”

13 Lasaro lowu iwí asón Yesu déblí, táme akasípó amu mú buki beε mu didí keke iwí asón ɔ́deblí. 14 Inu Yesu lówunáa kpa mú opulu ɔ́béε, “Lasaro lawú.

15 Mli su ilawá mí ansigyí áni mma inu asa olowu, ménɔ́ mlóhɔ́ mí gyi. Mliha ayekí mu.”

16 Inu Toma áni ogyi Tabí† lébláa mu aba ámu ɔ́béε, “Mliha ania muɔ́nyɔ́ fée ayɔ́, ménɔ́ ní lowu ígyi kóráá á, ania muɔ́nyɔ́ awu!”

Ọ́há Aní Ọ́tókósbá Ahá Tsú Afúlitɔ́, Há Amó Nkpa

17 Yesu lówíε Betania wúlutɔ́ á, bebláa mu beε bopolá Lasaro ilagyi nkená. 18 Tsú Betania ya Yerusalem mɔ́fun máli anyɔ́. 19 Mú su Yudafo

† 11:16 Didimus móa Toma así gyi Tabí Griiki móa Hebri ɔ́blítɔ́.

tsatsətsə beba Maria mva Marta gyəwɪ ɔhakpá, amó píó lowu su.

²⁰ Benya bláa Marta ání Yesu ɔbá alɪ, ɔɔkɔsú yéfia mv ɔkpa. Maria mú lésin wóyító. ²¹ Mú Marta lébláa Yesu ɔbéε, “Mí Wíε, tɛkɪ ní fɔbɔ nfi á, tɛkɪ mí píó mówu sí mí. ²² Táme séi kóráá nyin ání tógyítá fókɔlí Bulu á, ɔbéha fú.”

²³ Yesu lébláa mv ɔbéε, “Fú píó ámv ɔbélakúsú.”

²⁴ Marta lébláa mv ɔbéε, “Nyin ání ɔbókɔsú εke tráε amúú afúli bókɔsú ámv.”

²⁵ Yesu lébláa mv ɔbéε, “Mígyí ɔhá ání ntəkúsúa ahá tsú afúlitɔ, há amú nkpa. ɔhá ání ɔlɔhɔ mɪ gyi owú kóráá á, ɔbétrá tsiá nkpa. ²⁶ ɔhá ání otsie nkpa, ɔlɔhɔ mɪ gyi é móowu εkekεεke. Fahɔ mósú gyi?”

²⁷ Marta lótsulá mósú ɔbéε, “Ee! Mí Wíε, nahogyi ání fógýí Kristo, (ɔhá amúú Bulu ladá mv ofúli), Bulu mv Bi amúú beε ɔbéba ɔyító ámv nɪ.”

Yesu Lósú

²⁸ Bréá Marta lébli alɪ tá á, oleyinkí ba wóyító betɪ Maria ya itsétó, bláa mv ɔbéε, “Osunápú laba, ɔde fú tɪ.” ²⁹ Maria lénya nú mó alɪ, ɔɔkɔsú yó Yesu wá. ³⁰ (Alɪ bré ámvɔ á, Yesu mókónyá wíε wúlutɔ. ɔlí ɔtíné amúú Marta lóyótɔ mv amv.) ³¹ Bréá ahá amúú bɔtsie Maria wá wóyító, bɔde mv klɔn yíá ámv bowun ání alakúsú ɔtsáwɔle pé ɔyó á, bəkɔsú buo mv. Bɔkɪ beε ɔyó opulákpá mv yósu.

³² Bréá Maria lówie Yesu wá á, ɔleda akpawunu, bláa Yesu ɔbéε, “Mí Wíé, ní fɔbɔ nfi á, tɛkɪ mí píó mówu sí mí!”

³³ Bréá Yesu lówun ání Maria mva ahá amúú bɔbɔ mv amv fée bodesú a, ɪlɛɪε han mv. Mó sv mv ansí lɛpɛ. ³⁴ ɔlɛfité amó ɔbéε, “Nkónó mlɪlópulá mv.”

Inu bebláa mu beε, “Ani Wie, beki.”

³⁵ Inu Yesu lósú. ³⁶ Mú su Yudafɔ ámu beblí beε, “Ki alíá ɔtɛhíé dwé Lasaro!”

³⁷ Táme amótó aku beblí beε, “Megyí oyin ánfí lóbwií ansibi obwiepó ámu ansíbi ni. Ntogyi sù ɔmetalí kítá Lasaro yáí, alawú?”

Lasaro Kvsóá

³⁸ Yesu ansí létrá pé, ɔlenatí yó opulákpá inu. Ibwi alato bopulá mu, bemináa ibwi tin mú ɔnó. ³⁹ Inu ɔlebláa amú ɔbéε, “Mlɔmina ibwi ámu le ɔbó ámu ɔnó.”

Táme owupó ámu mu pio tsíhé Marta lébláa mu ɔbéε, “Mí Wíé, nde aná mú á, alayíntá. Nde eke náásí ɔpá bopulá mu.”

⁴⁰ Yesu lébláa mu ɔbéε, “Mmebláa fu mbée ní fohogyi a, fówun alíá Bulu iwí bu ifú?” ⁴¹ Inu bemináa ibwi ámu lé ɔbó ámu ɔnó. Yesu lótsu ansí fúá ki ɔsúsú, blí ɔbéε, “Mí Sí, nedá fú ipán ání fanú mí ɔme. ⁴² Nyin ání fotonú mí mpáí ekekegyíεke. Táme ahá ánfí bulí nfi ánfí sù nablí alí, méní bóhogyi ání fólówa mí.” ⁴³ Bréá ɔlɔbɔ mpáí ánfí tá á, ɔlɔkplón blí ɔbéε, “Lasaro, dali ba!” ⁴⁴ Lasaro lédali a, tati kɔ mu ibi pú mu ayabi. Dúku é kɔ ansító. Yesu lébláa amú ɔbéε, “Mlɔsanki mu ɔnati.”

Bekikí Yesu Nwunsv

⁴⁵ Yudafɔ amúú bobuo Maria ba inu ámu bowun tóá Yesu labwé. Mú su amú tsɔtsɔtsɔ bɔhɔ mu gyi. ⁴⁶ Táme amótó aku bɔyɔ yébláa Farisífo ámu tóá Yesu labwé. ⁴⁷ Inonu Bulu igyí ahapó dehen pú Farisífo ámu beti aba asón agyípó fia. Múú befíté aba beε, “Nkálí abóbwe? Lélé mú á, oyin ánfí dé osúna tsɔtsɔtsɔ bwe. ⁴⁸ Ní animéka mu itin á, ɔhagyíɔha

ἄβῆα μου γυι. Ἰβήα Romafῶ βέβα bobwie anῖ Bulu ἄτswékpa amv, yíntá anῖ ἄμά!”

⁴⁹ Táme amótó ἄκυεἄ βυτετί μου Kaiafa, ogyi Bulu igyí ἄhapú dehen ofi ἄmυτῶ lébláa amú ἄβέε, “Mῖ mó mῖméméyín ἄlala! ⁵⁰ Mῖmókóbí ánι ἄbu aléá ἄbakóλε obówu ahá fῗé nwwunv, dvn ánι ἄmá ἄmυτῶ ahá fῗé bῗhι?” ⁵¹ Megyí Kaiafa onutó agywun ἄῶpυblí asón ánfi. Táme ἄnιἄ ofi ἄmυτῶ mυgyí Bulu igyí ἄhapú dehen sv á, igyi asón ánι ἄleblí tswι ánι ἄlehián ánι Yesu obówu há Yudafῶ ἄmá. ⁵² Megyí beε ἄmá ἄmυ nkυλε pé sv obówu, mboun alíá ἄbékpa Bulu ahá ánι badásáín fῗé bῶwa abato, bóbwe ἄkyλε sv.

⁵³ Tsú eke ἄmυ bῶwa agywun bwe ánι bῶmῶ Yesu bl. ⁵⁴ ἄnι sv Yesu métrá tsiá lé ἄwι ἄwan Yudafῶtῶ. Mboun ἄlenatí yῶ wúlu kvá βυτετί mó Efraim, ánι ἄbu dimbísῶ. Mva μου akasípú amv betsiá ἄnv.

⁵⁵ Bré ἄmυτῶ á, Yudafῶ nkeá bῶpυgyi Israelfῶsv Katsun Nke ἄmυ lawié wóyí tá. Ahá tsatsῶtsῶ botsu awúlusv dú yῶ Yerusalem ánι bῶyῶgyvraá ἄwι asa nke ἄmυ ἄfvn. ⁵⁶ Bréá bῶyῶ Bulu ἄtswékpa wunsinésῶ ἄnv á, bodunká ánι bῶwun Yesu. Mó sv befité aba beε, “Nkálι mῖdékí? Mῖlahogyi mῖlíaa, ἄbῗba nke ἄnfitῶ lóῶ?” ⁵⁷ Táme bré ἄmυτῶ á, Bulu igyí ahapú dehen pῶ Farisifῶ ἄmυ babláa ahá beε, ní ἄku owun ἄtínéá Yesu bv a, ἄhá amú ἄbι, ménι beyékitá μου.

12

Ofobí Fánfáánfán Pῶwólí Yesu (Mateo 26:6-13; Marko 14:3-9)

¹ Ilesi nkenσίé abυgyi Israelfῶsv Katsun Nke a, Yesu lῶyῶ Lasaro amúῶ ἄῶkῶsῶa tsu afúlitῶ ἄmυ wúlutῶ Betania. ² Mó ntῶpwεsv bῶtswι ἄpῶnῶ há μου.

Marta léye atogyihe ὀρόνó áμνυ así. Lasaro mva ahá áμνύβητí áμνυ βῶwa íβη gyi ató Yesu wá. ³ Íνυ Maria lópu ofobí fánfáánfán ání íβυ íβíá préntva yílé ὀβῶ βητσεί wólí Yesu ayabísv, ὀλρῶ μν nwunsv-imi tsítsi mύ. Ofobí áμνυ ὀfan lḥḥ wóyí áμνῶτῶ fḗé.* ⁴ Táme Yuda Iskariot, ogyi Yesu akasípó áμνῶτῶ ὀκυλε, ὀβέλε Yesu há áμνυ mύ léblí ὀβḗε, ⁵ “Ofobí ánfi βυ bíá. Ntogyi sύ βυμεφε mύ, pύ kóba áμνυ há ahiánfῶ? Mύ bíá bóbwe ὀbakúλε ofi ὀκυλε akatua.” ⁶ Megyí ahiánfῶ nwewúun sv Yuda dé asón ánfi blí. Owikplu ógyi sv. Mυ wá sika okentebi βυ, otetsiá wí kv lé mótó.

⁷ Yesu léblí ὀβḗε, “Mlisi μν ὀpu ofobí ánfi wvli mí ha mí opuláké. ⁸ Ahiánfῶ mύ βḗtsiá mlí wá ekekegyíεke, táme mí mύ mméetsiá mlí wá yó.”

Bekklí Lasaro Nwunsv

⁹ Yudafῶ tsῶtsῶtsῶ bonu ání Yesu laba Betania. Mύ sv begya ὀkpa yó μν ὀkíkpa. Megyí μν nkóle sv βῶyó íνυ. Beyéki Lasaro áμνύβητí Yesu lókvsóa tsu afúlitῶ áμνυ é. ¹⁰ Mύ sv Bulu igyí ahapó dehen áμνυ βῶbwe agywun βεε bómῶ Lasaro é. ¹¹ Tsúfé μν kvsóa tsu afúlitῶ sv Yudafῶ tsῶtsῶtsῶ βυδε ὀma yinkí βḥḥ Yesu gyi.

Bḥḥ Yesu Fé Owíe Yerusalem

(Mateo 21:1-11; Marko 11:1-11; Luka 19:28-40)

¹² Oyi kehe a, ὀdḥm áμνύβητí baba nke ogyíkpá áμνυ bonu ání Yesu ὀbá Yerusalem. ¹³ Mύ sv βεka mbláa, βῶpu ὀkpa beyéfiá μν. Bυδε okitikíti βεε, “Hosiána! Bulu oyúla ὀhá anfí ὀna aní Wíe Bulu dátó ὀbá anfí! Bulu oyúla Israel Owíe áμνυ!”

* **12:3** Oyí kvá botetí Naadi nlin botῶpḥwé ofobí áμνυ.

14 Yesu lénya afrímú ǎkú, ǎǎdu bian mǎsu, fě alá bǎwanlín wá Bulu asúntó bεε,

15 “Sionfó, mlimánya ifú!

Mlí Wíe dín afrímú ibísó ǎbá á!”

16 Yesu akasípó amu bǎmǎkǎsí nú asón ánfí así. Táme bréá Bulu lókusóa Yesu tsú afúlító, wá mǎ numnyam ǎma a, bekáín ání bǎwanlín asón ánfí tsú mǎ íwí. Mú bǎbwε há mǎ a.

17 Aha ání bobuo Yesu bréá ǎletí Lasaro fúli-ǎbótó, kúsóa mǎ tsú afúlító bǎyǎ mósú dá asón ánfí ǎkan. 18 Iní sǎ ǎǎm amu beyéfia mǎ ní. Bonu ání alabwé osúna anfi. 19 Farisifó amu bebláa aba bεε, “Mlilawun ání anilabwé kásíán. Mlíki, ahá fεε bayó bubuo mǎ o!”

Griikifó Akú Bodunká Yesu

20 Griikifó akú bubu ahá ámúó beba Bulu osúmkpá Yerusalem Israelfósu Katsǎn Nke ámǎtó.

21 Bǎyǎ Filipino ání otsu Betsaida ání íbu Galilea ǎmátó wá yébláa mǎ bεε, “Owíé, anidékléa abówun Yesu.”

22 Filipino lébláa Andrea, mǎa mǎnyǎ beyébláa Yesu. 23 Yesu lébláa amó ǎbéε, “Bré lafǎn ání bówá Nyankpǎsa-Mu-Bi ámǎ numnyam. 24 ǎnǎkwali ndε mlí bláa. Ní kpolibí mǎkúwíé ǎbótó, íkwε, pló á, kpoli ibi-kole amu kén igyi. Táme ní íkwε, pló á, itǎbwé abí tsǎtsǎtsǎ. 25 Ní ǎkú tǎdwé mǎ nkpa ǎyí ánfító á, ǎbóhulí mǎ. Ní ǎkú é tamadwé mǎ nkpa á, obénya nkpa ání itamatá. 26 Ní mlító ǎkú ǎbéε mósum mí á, ílehián ání obóbuo mǎ, méní obétsiá ǎtínéá mbu. Ní ǎkú dé mí sum á, mí Sí ǎbówá mǎ numnyam.”

Yesu Lowu Iwí Asún Blí

²⁷ Yesu lóyɔ mósú ɔbéε, “Séi á, asún dé mí klɔn háan! Amansu nébli? Blí ntebli mbéε, Mí Sí, ɛ mí tsu asun wunhe anfitɔ lóó? Ó-o, mó su neba ni. ²⁸ Mí Sí, wa fɔ iwɪ numnyam!”

Inu á, ɔme ɔku lótsu ɔsúsú ba ɔbéε, “Nawá mí iwɪ numnyam dodo. Nétrá wa mó.”

²⁹ Bréá ɔɔm amóú bulí inu ámu bonu ɔme amu a, bebli beε “Ɔpráda lapótí.” Aku é beε, “Bulu-ɔɔpu lábláa mu asún!”

³⁰ Inu Yesu lébláa amó ɔbéε, “Mli su ɔme anfi lalin, megyí mí. ³¹ Bréá Bulu obégyi ɔyítɔfɔ asún ní. Bréá Bulu ɔbékplí Ɔbunsám, ɔyísú ogyípú amu obiású ní. ³² Táme mí mó á, ní bedá mí mántá oyikpalíhesu, tsú mó líí á, nékpa ahá féé ba mí iwɪ wá.” ³³ (Yesu lébli asún anfi púsúná lowu oduá mówu.)

³⁴ Inu ɔɔm amu befité mu beε, “Ani mó anilónu tsú ani Mbla ɔwolú ámɔtɔ ání Kristo, (ɔhá amóú Bulu ladá mu ofúli amu) obétsiá bré féé. Mó ntogyi su fódébli féε, ilehián ání bedá Nyankpɔsa-Mu-Bi ámu mántá oyísú, tsú mó líí? Ma gyí Nyankpɔsa-Mu-Bi ámu?”

³⁵ Yesu lébláa amó ɔbéε, “Bré kpalobí ku pé ɪlasí ání Wankɪ amu ɔbétrá tsiá mli wá. Inuá Wankɪ amu trá ɔbu mli wá á, mlinati wankɪ amɔtɔ, ménɪ owí méeta wá mli. Tsúfé ɔhá ání ɔna oklúntɔ tamabí ɔtunéá ɔyɔ. ³⁶ Bré anfi wankɪ† amu trá ɔbu mli wá á, mliha mu gyi, ménɪ mlóbwe wankɪ amu abí.”

Yudafɔ Yesu Máhogyi

Bréá Yesu lébláa amó asun anfi tá á, ɔlenatí yéŋaín. ³⁷ Inuá ɔlɔbwe osúna tsɔtsɔtsɔ amó ansítɔ ó á, buɔmɔhɔ mu gyi. ³⁸ Inu léha Bulu ɔnású ɔtáipú

† 12:36 Yesu gyí Wankɪ amu.

Yesaia asón ámóú òleblí tswí dodo amv léba mótó. Òbée,

“Aní Wíe, ma láhò asón ámóú anuléblí ámòsv gyi?

Ma aní Wíe lalé mv túmi súná?”

³⁹ Mv sv bvmetá lí hò Yesu gyi, tsúfé Yesaia létrá blí òbée,

⁴⁰ “Aní Wíe Bulu lahá bvmédéwúun, bvmédé asón nu,

Mv sv bvmóowun ató, bvmóonu asón, méní bédamlí ba mí wá, nétsa amú ilo.”

⁴¹ Yesaia lówun Yesu numnyam. Mv sv òleblí asón ánfí tsú mv iwí ní.

⁴² Mv ó á, Yudafo ahande amv tsòtsòtso bòhò mv gyi, táme bvméle amó hógvi òwan. Tsúfé benya ifú ání Farisifo ámv bébì amú, gya amú lé amú ofiakpa.

⁴³ Tsúfé butekle beε ahá bukánfu amú òvn ání Bulu òbékánfú amú.

Yesu Asón Bulu Òbòpvgvi Ahá Asón

⁴⁴ Yesu lókpìvn blí òbée, “Megyí mí nkòle òhagyíòha ání òlòhò mv gyi déhógvi. Òhá ámóú òlòwa mí sísí ámv é. ⁴⁵ Òhagyíòha ání òde mí wúun dé òhá ámóú òlòwa mí sísí ámv é wúun. ⁴⁶ Naba òyí ánfítò fé wankì, fékì òsulòv anfvsv iwankì, méní òhagyíòha ání òlòhò mv gyi méésin oklúntò. ⁴⁷ Ní òkv onú mí asón, táme omegyí mósú á, megyí mí òbéha mv ipón. Tsúfé mméba asón ogyíkpa. Ahá nkpa òhókpa neba. ⁴⁸ Òha ání okíná mí, òmòhò mí asón é bv asón ání bòpvhá mv ipón. Mí ason blíhé amv òbéha mv ipón eke tráhe amv. ⁴⁹ Tsúfé megyí mí onutó túmi nòputí. Mí Sí lówa mí sísí. Mvléha mí asón ání mblí, pú alá mblí mv. ⁵⁰ Nyin ání mv asón ámv itehá nkpa ání itamatá. Mv sv asón ání òtòwá mí blí kóún nteblí.”

13

Akasípú Amu Ayabiası Fwı

¹ Asa béfi Israelfosu Katsun Nke ámu gyı ası á, Yesu lébı ání mu bré lafun ání médalı oyı ánfıto yó mu Sı wá. Ɔlɔdwe ahá ámúó bugyi mu kle osulósu nfi ámu alı yófun mu owuké.

² Mba mu akasípú amu befia ntópwe ató ogyíkpa. Alı bré ámutɔ á, ɔbunsám lawúna wie Simon Iskarıot mu bi Yuda klontɔ ání oyéle Yesu ha. ³ Yesu yin ání mu Sı lópu tógýító wá mu ıbitɔ. Oyin ání Bulu wá motsu ba, mu wá méyinkı yó ní. ⁴ Mú su ɔlele ıbı ɔlepe ámutɔ, ɔlkuşú wóı mu atadie tswı, tsú ɔsan sába. ⁵ Ɔletséı ntsu wá onuwétó, olefi ası ɔde mu akasípú amu ayabiası fwı. Ɔfwı ɔmáýın a, alapú mu osíétó ɔsan ámu tsıtsı mu ayabiası. ⁶ Bréá ılotu Simon Petro a, ɔlefíté Yesu ɔbéé, “Mı Wıé, fı ɔbófwı mı ayabiası?”

⁷ Yesu léle mú ɔnó ɔbéé, “Fumóonu tó ánfı ndebwe ánfı ası séı. Ɔma asa fóbónu mú ası.”

⁸ Mú Petro lébláa mu ɔbéé, “O-o! Mméesi, afıfwı mı ayabiası ekekεεεε.”

Yesu lébláa mu ɔbéé, “Nı mmɔfwı fı ayabiası á, foméenya ogyíkpa mı wá.”

⁹ Simon Petro lébláa mu ɔbéé, “Mı Wıé, megyı mı ayabi nkule. Wuna fwı mı ıbı pú mı nwuntɔ é.”

¹⁰ Yesu lébláa mu ɔbéé, “Ɔhá ání alabie ntsu métrá hián nsubıé. Mboun mu ayabiası fwı pé, tsúfé alalın dodo. Mlı ıwı lalın, táme megyı mlı féé.”

¹¹ (Yesu lébláa mu alı, tsúfé oyin ɔhá ání ɔbéle mu há. Mú su ɔleblı ɔbéé, “Megyı mlı féé lalın” nı.)

¹² Bréá ɔbıfwı amú ayabiası tá á, ɔlelatsú mu atadie wá, yınkı yétsıá ɔpónú ámu ası. Múú ɔlefíté amú ɔbéé, “Mlılanú ıtó ánfı nabwé há mlı ánfı ası?”

¹³ Mlitetí mí ‘Osunápú,’ mlitetí mí ‘Owíé.’ Mú okpa ní, tsúfẹ́ mó ngyi ní. ¹⁴ Ní mí ání ngyi mli osunápú pọ́ mli Wíe, nafwí mli ayabiasí á, mómó ilehián ání mli é mlófwi mli aba ayabiasí. ¹⁵ Nabwé súná mli, méní mlóbwe mó alí ámúú nabwé mó há mli ámu. ¹⁶ Ọ̀nọ̀kwali nde mli bláa. Osúmpọ́ okuku módun mu wie. Alí kén sumbí ọ̀yọ́pọ́ módun ọ̀há ání ọ̀lọ̀wa mu ni. ¹⁷ Iná mlilabí ọ̀nọ̀kwali anfi á, Bulu obóyulá mli ní mlegyi músó.

¹⁸ “Megyí mli fẹ́é ı̀wı́ asún ndeblí. Tsúfẹ́ nyin ahá ání nalé. Táme lehián ání Bulu asún anfi ı̀béba mótó. Asún ámu ọ̀béé, ‘Ọ̀há ámúú mía munyo anı̀dé ı̀bı́ wa ọ̀lepẹ̀tọ́ ámu lakúsú líı́ mısó.’ ¹⁹ Nde mli bláa séi asa ı̀ba, ménı́ ní ı̀bá á, mlóhọ́ mı́ gyı́ ání mígyı́ ọ̀há ámúú mbéé ngyi ámu ni. ²⁰ Ọ̀nọ̀kwali nde mli bláa. Ọ̀hagyı́ọ̀ha ání ọ̀lọ̀họ́ ọ̀há ání nọ̀wa sumbí lahọ́ mı́. Alı́ kén ọ̀hagyı́ọ̀ha ání ọ̀lọ̀họ́ mı́ lahọ́ mí Sí ámu ọ̀lọ̀wa mí sísí ámu é ní.”

Yesu Le Há

(*Mateo 26:20-25; Marko 14:17-21; Luka 22:21-23*)

²¹ Bréá Yesu léblí asún anfi tá á, asún ihíé de mu háan mu kluntọ́. Mú sọ́ olowunáa kpa mó tati ọ̀béé, “Ọ̀nọ̀kwali nde mli bláa, mli tọ́ okule ọ̀béle mí há.”

²² Akasípọ́ amu bekpelé kı́ aba ansító, tsúfẹ́ bumeyín amótó ọ̀muá ọ̀de. ²³ Akasípọ́ amutọ́ okuleá otsie mantáa Yesu, gyı́ ọ̀muá Yesu tehié dwé ní. ²⁴ Mú sọ́ Simon Petro lóbun mu ansı́bi ọ̀béé, ọ̀fite mu ọ̀há ání ọ̀béle mu há.

²⁵ Múú akasípọ́ amu léyinkı́ kpısá Yesusu, fité mu ọ̀béé, “Mı́ Wı́é, ma ọ̀béle fı́ há?”

²⁶ Yesu lébláa mu ọ̀béé, “Ọ̀há ámúú nébia bodobodo, púdá oputsútọ́ há ámu gyı́ mu ni.”

Inu olebia bodobodo pódá oputsútó há Yuda, ogyi Simon Iskariot mu bi. ²⁷ Olenya hɔ mú alí, ɔbunsám lówie mɔtɔ. Mú su Yesu lébláa mu ɔbéε, “Bwe tóá fɔdekléá fóbwe sasa!” ²⁸ Ahá ámúú bɔtsie ɔpónú ámu así ámúú ɔkuku mébi tóá suá Yesu lébláa mu asún ánfí. ²⁹ Amútó aku buki beε, Yuda gyí amú sikasu ɔkípu. Fíali Yesu dé mu bláa ɔbéε, ɔyóhɔ atóá bópɔgyi nke ámu, ntée ɔpúú tɔku ya ahiánfɔ.

³⁰ Yuda lénya hɔ bodobodo amu alí, ɔledali. Owí latá alí bré ámu.

Mbla Pɔpwe

³¹ Yuda lénya dáli obuto inu alí Yesu lébli ɔbéε, “Bréá Mí, Nyankpɔsa-Mu-Bi ánfí numnyam bélin ɔwan ní. Bulu ɔbótsɔn misu lé mu numnyam ɔwan.

³² Ní ɔtsɔn misu lé mu numnyam ɔwan á, alí kén ɔbótsɔn mu iwisu lé mí numnyam ɔwan ní. ɔbówa mí numnyam inuɔ. ³³ Mí abí, mméetrá tsiá mli wá, wá ɔpá. Mlódunká mí. Alí ámúú nebláa Yudafo ahande ámu mbée, ‘Mliméetalí ba ɔtínéá nɔyó ámu’ a, alí kén nde mli bláa mli é ní. ³⁴ Mbla pɔpwe ndewa há mli mbée, mliɔwe aba. Alí ámúú nɔɔwe mli ámu a, alí kén mliɔpú ɔɔwe ámu ɔwe mli aba ní. ³⁵ Ní mliɔde aba ɔwe á, ibósuná ahá féé ání mí akasípú mliɔyí.”

Petro ɔbóswí ɔbéε Mɔmeyin Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔbéε, “Mí Wíé, nkónu fɔyó?”

Yesu léle mú ɔnó ɔbéε, “ɔtíné ámúú nɔyó ámu a, foméetalí buo mi yó inu séi. Táme ɔma a, fóbobuo mi.”

³⁷ Petro léfité mu ɔbéε, “Mí Wíé, ntogyi só mméetalí buo fu séi. Nówu fó su!”

³⁸ Yesu léfité mu ɔbéε, “Fówu mí su? Ɖnɔkwali ndε fó bláa. Fówu í pò ɔbí wá ogyá tse sa fεε fumeyín mí asa bate ɔbéε ɔnó.”

14

Ɖsí Amv Wá Ɖkpa

¹ Yesu lébláa mu akasípó amv ɔbéε, “Opúni mátsiif mli. Mliɔ Bulu gyi, amlɔ mli gyi. ² Otsiákpá tsɔtsɔtsɔ bu mí Sí wóyító. Ní otsiákpá ma inu á, teki mmεbláa mli mbéε neyéla inu yáí mli. ³ Ní nɔyó yéla otsiákpá amv yáí mli tá á, néyinkí bá bekpa mli yáa mí iwí wá, méní mlétsiá ɔtínéá mbu. ⁴ Mliyin ɔkpa ání ida yɔ ɔtíné ámú nɔyó.”

⁵ Inu Toma léfité mu ɔbéε, “Mí Wíé, animéyín ɔtínéá fɔyó, nkáli abóbwe abébi ɔkpa ámu?”

⁶ Yesu léle mó ɔnó ɔbéε, “Mígyí ɔkpa ámu, ɔnɔkwali amv pò nkpa ámu. Ɖhaa méetalí yó mí Sí ámu wá, nkéti alatsun misu. ⁷ Ní mliyin mli lélé á, teki mlilabí mí Sí ámu é. Táme séi mó mlilawun mu, mlilabí mu é.”

⁸ Filipino lébláa mu ɔbéε, “Ani Wíé, suna ani fó Sí ámu. Mú kpán tsɔ ani.”

⁹ Yesu léfité mu ɔbéε, “Filipo! Mbu mli wá dododo. Mú su fumakóbí mí? Ɖhagyíɔha ání alawun mli ki lawun mí Sí ámu. Ntogyi só fúdeblí fεε, nsúna mli Ɖsí ámu? ¹⁰ Fumohogyi ání mbu mí Sí ámutɔ, mu é ɔbu mitɔ? Asún anfi ndε mli bláa anfi motsú mí onutó wá. Mboun mí Sí ámú ɔbu mitɔ ámu dé mu agyómá yɔ. ¹¹ Ní ndε mli bláa mbéε, mbu mí Sí ámutɔ, mu é ɔbu mitɔ á, mliɔ mli gyi. Ní mlímóɔhɔ asún ámusu gyi óó á, ofúla amú ndεbwe

ámυ sυ mlhḡ mɪ gyi. ¹² Ɖnḡkwali nde mli bláa. Ɖhagyíḡha ání ḡlḡḡ mɪ gyi a, ḡbḡbwe itḡá ndebwe. Ɖbḡbwe mú dḡn mí klé, tsúfé mí mú nḡyḡ mí Sí ámυ wá. ¹³ Nḡbwe tḡgyítḡá mlḡkólí mí idátḡ há mli, ménɪ nḡwa mí Sí ámυ numnyam. ¹⁴ Ní mlḡkólí tḡgyítḡ mí idátḡ á, nḡbwe mú.

Ɖḡe Wankíhé Amυ Ibá

¹⁵ “Ní mliḡdwé mí á, mlégyi mí mblasυ. ¹⁶ Nḡkólí mí Sí, ḡbḡpυ Ɖma Ɖlípḡ bambá sísí mli, ḡbéba betsiá mli wá bré fḡé. ¹⁷ Mḡgyí Ɖḡe Wankíhé. Mḡtḡsúná ḡnḡkwali ání ibυ Bulutḡ. Ɖyítḡ ahá bḡmḡetalí hḡ mυ, tsúfé bḡmedé mυ dunká. Bḡmḡebɪ mυ é, táme mli mú mliyin mυ, tsúfé ḡbυ mli wá, obḡtsiá mliḡ.

¹⁸ “Mmḡesi mli tswɪ fé awumbi. Néyinkí bá mli wá. ¹⁹ Iasí kpalobí ḡyítḡ ahá bḡmḡétrá wun mli, táme mli mú mlḡwun mli. Iḡiá mbυ nkpa sυ á, mli é mlḡtsiá nkpa. ²⁰ Ní eke ámυ ifḡn a, mlḡbɪ ání mbυ mí Sí ámḡtḡ. Mli é mliḡbυ mliḡ fé alɪ ámḡú mí é mbυ mliḡ ámυ.

²¹ “Ahá ání bḡde mí mblasυ gyí a, amḡgyí mí adwepḡ ní. Ɖhagyíḡha ání ḡḡdwé mí á, mí Sí ḡbḡdwε mυ. Mí é nḡdwε mυ, lé mí iwɪ ḡwan súná mυ.”

²² Mḡú Yuda (megyí Yuda Iskariot) léfité mυ ḡbéε, “Mí Wie, ntogyi sḡ anɪ nkυle pé fḡε iwɪ ḡwan súná, megyí ḡyítḡ ahá fḡé?”

²³ Yesu léε mú ḡnḡ ḡbéε, “Ní ḡkḡ dé mí dwe á, ḡbḡbwe dínká mí atosunáhḡsυ. Mí Sí ḡbḡdwε mυ. Mía mí Sí ámυ nḡḡ abéba betsiá mḡ wá. ²⁴ Ɖhá ání ḡtamadwé mí ḡmḡḡbwe dínká mí atosunáhḡsυ. Asḡn ánfɪ ndḡblí mliḡdḡnu ánfɪ motsú mí onutḡ wá. Mí Sí lḡwa mí, mḡ wá itsú.

²⁵ “Nde mli asḡn ánfɪ bláa, séi ánfɪ mbυ mli wá. ²⁶ Táme Ɖma Ɖlípḡ, ogyi Ɖḡe Wankíhé amḡú

mí Sí ɔ́bɔ́pɔ́sísí mí ɪ́dátó ámu obósuná mli tógyító. Ɖbékaín mli asóngyíasún ání nebláa mli.

²⁷ “Iwilwii nde mli ha! Napó mí iwilwii há mli. Megyí mú ámúb ɔ́yítófɔ bɔtɛhá ámu odu. Mlímáha opúni itsii mli. Ifú é mákítá mli. ²⁸ Nabláa mli bɔtsɔn mbéε, ndenatí, táme néyinkí bá mli wá. Ní mliɔdwé mí á, tekí mlénya ansigyí ání nɔyó mí Sí wá, tsúfé ɔ́dɔn mli. ²⁹ Nde mli ínɪ fée bláa yaí, ménɪ ní ɪ́bá mótó á, mlóhogyi. ³⁰ Mmétrá tói yó nkpa, tsúfé ɔ́yísó ogyípó ámu ɔ́bá. Ɖma túmi mísú. ³¹ Ntonú mí Sí ɔ́me, ménɪ ɔ́yítófɔ bébɪ ání ntɔdwé mu.

“Mlikɔsu anati.”

15

Wáin Oyi Onutó

¹ Yesu léblí ɔ́béε, “Mígyí wáin ɪ́fla onutó. Mí Sí gyí mú ɔ́dɔpɔ. ² Bámbigyíbámbiá ɪ́bu mí ɪ́wi, itamaswié á, ɔ́tekpálí mú tsítsá. Táme kugyíkɔá itoswié á, ɔ́telá mú wankláán, ménɪ ɪ́bóswie tsɔtsɔtsɔ dɔn. ³ Mí atosunáhé anfi mlilanú anfi sɔ mli ɪ́wi latin dodo. ⁴ Mlitsia mító, mí é antsia mliɔ. Bámbi kɔkɔkɔ méetalí swié abí, nkétɪ itsa mú oyísó brégyíbré. Alí kén mli é mlíméetalí swié abí, nkétɪ mliɔ mliɔ ní.

⁵ “Mígyí wáin ɪ́fla ámu. Mligyí mú abámbi. Ɖhá ání ɔ́bu mliɔ, mí é mliɔ mliɔ obóswie abí tsɔtsɔtsɔ, tsúfé mlíméetalí bwé tɔtɔtɔ tsɔn mí ɔ́ma. ⁶ Ɖhagyíɔha ání ometsie mliɔ gyí fé bámbiá bakpálí mú bun, ɪ́bówɔli, békpa mú wá ogyá. ⁷ Ní mlitsie mliɔ, mí asón é ɪ́bu mliɔ á, mléfite mí Sí tógyítá mlídeké, ɔ́béha mli. ⁸ Ní mloswié abí tsɔtsɔtsɔ á, ɪ́bówa mí Sí numnyam. Mú obósuná ání mí akasípú mligyí ní. ⁹ Alí ámúb mí Sí tɔdwé mí ámu a, alí kén mí é ntɔdwé mli ní. Mlitsia mító, ménɪ nódwε mli yó.

¹⁰ Ní mlegyi mí mblasu á, nódwε mli yó, fé alí ámúú mí é ntegyi mí Sí mblasu, otodwé mí yó ámu.

¹¹ “Nabláa mli asón ánfí féé, méní ansigyí ámúú ibu mito ámu bétsiá mli. Fówun ansí bégyi mli wankláán. ¹² Mbla ání ndεpuhá mli gyí; mliwε aba fé alíá ntodwé mli. ¹³ Odwε kuku madón ání oku obówu mu nyawie nwunso. ¹⁴ Ní mlegyi mí mblasu á, mí anyawie mli gyí. ¹⁵ Mmétrá tí mli mí asúmpó. Tsúfé osúmpó méyín tóá mu wie débwε. Nde mli tí mí anyawie, tsúfé nabláa mli tógyítóá nonu tsú mí Sí wá. ¹⁶ Megyí mli léle mí. Míléle mli yáí mbée, mliyóó amliyoswie abíá íbétsiá bré féé, méní mí Sí obéha mli tógyítóá mlókolí mu mí idátó. ¹⁷ Mbla ání ndewa há mli gyí, ‘Mliwε aba.’

Ahá Bólu Mli

¹⁸ “Ní oyító ahá bude mli lu á, mlikain ání mí begyankpá lú. ¹⁹ Ní oyító ahá mli gyí a, teki oyító ahá bódwε mli fé amú abí. Táme nalé mli tsú oyítófóto, su mli má amótó. Iní su oyítófó botolú mli ní. ²⁰ Mlikain asón ámúú nebláa mli mbée, ‘Osúmpó okuku módun mu wie’ amuso. Ní ahá budin mísú a, mli é bédinká mli su. Ní begyi mí asónsú á, mli é bégyi mli asónsú. ²¹ Táme míbú mli, su bópu íní féé gyi mli, tsúfé bumeyín ohá ámúú olowa mí ámu. ²² Ní mmókúbláa amú asuansu á, teki buma ipón kuku gyí. Táme séí ánfí mó buma onó lé. ²³ Ohagyíoha ání otolú mí tolú mí Sí é. ²⁴ Nabobwε agyómá ání ohaa mókúbwé mó odu kí amótó. Ní bumapu amú ansíbi wun mó á, teki Bulu mééha amú ipón. Bowun tóá nobwε asa bude mía mí Sí lu. ²⁵ Ilehián ání íbéba alí, méní asón ámúú bowanlín wá amú Mblatobεε, ‘Bolu mí kpaali’ ámu íbéba mótó.

²⁶ “Nówa Ōma Ōlípó obótsu mí Sí wá bá. Múgyí Ōye Wankíhé amu. Mótósúná ɔ̀nɔ̀kwali ání ɔ̀bu Bulutɔ̀. Obégyi mí ɔ̀wi adánsiɛ. ²⁷ Mli é mlégyi mí ɔ̀wi adánsiɛ, tsúfé mlilatsiá mí wá tsú bréá nefi ató suná asi.

16

¹ “Nabláa mli asún anfi fée, ménɔ̀ mli mɛ́ɛdɔ̀da hógyitɔ̀. ² Yudafo ahandɛ bégya mli lé amó ofiakpa. Bré ku kúráá ɔ̀béba ání ahá bómɔ̀ mli, súsu bɛɛ Bulu agyómá buɔ̀ɛyɔ̀. ³ Bópɔ̀ ɔ̀ni gyi mli, tsúfé bu mɔ̀kóbí mí ntée mí Sí ámu. ⁴ Táme nabláa mli asún anfi, ménɔ̀ ní ɔ̀bá á, mlékaín ání nɛbláa mli yáí.

Ōye Wankíhé Gyumagyihɛ

“Mmɔ̀kɔ̀sí bláa mli asún anfi, tsúfé mbo mli wá. ⁵ Táme séi ndɛ mli bláa, tsúfé nɔ̀yó ɔ̀há ámuó ɔ̀lɔ̀wa mí sísí ámu wá. Táme mlitɔ̀ ɔ̀kukɔ̀ méfité mí ɔ̀béɛ, ‘Nkónó fɔ̀yó.’ ⁶ ɔ̀niá nabláa mli asún anfi su á, awɔ̀rɛhɔ̀ lahíé kítá mli. ⁷ Táme ndɛ mli ɔ̀nɔ̀kwali bláa. ɔ̀kláa lawá mli ogyá ání nɔ̀yó. Tsúfé ní mmɔ̀yɔ̀ á, Ōma Ōlípó amu ɔ̀mɛɛba mli wá. Táme ní nɔ̀yó á, nópɔ̀ mu sísí mli. ⁸ Ní ɔ̀bá á, ɔ̀béle súná ɔ̀yítɔ̀ ahá ání lakpanbwe su bafwí, ɔ̀béle tóá igyi Bulu yilɛbwe pú mu asóngyí é súná amó. ⁹ Bébi ání mísó máhogyi igyi lakpan. ¹⁰ Bébi tóá igyi Bulu yilɛbwe, tsúfé nɔ̀yó mí Sí wá, mli mɛ́ɛtrá wun mi ɛkɛkɛkɛ. ¹¹ Bébi tóá igyi Bulu asóngyí, tsúfé Bulu lahá ɔ̀bunsám, ogyi ɔ̀yísó ogyípó amu ipón dodo.

¹² “Mbo asún tsɔ̀tsɔ̀tsɔ̀ ání nɛbláa mli, táme mli mɛ́ɛtalí nú mú fée asi séi. ¹³ Ōye Wankíhé amu tósúná ɔ̀nɔ̀kwali ání ɔ̀bu Bulutɔ̀. Ní ɔ̀bá á, ɔ̀béle asún ání igyi ɔ̀nɔ̀kwali fée súná mli. Tsúfé megyí mu onutó túmitɔ̀ ɔ̀bótáí, mbóun ɔ̀bébli asún kugyíkúá

olonu. Ɔbébláa mli m'á íbéba é. ¹⁴ Ɔhé ámu ɔ́b'wa mí numnyam, tsúfé ɔ́bébláa mli asón ání nteblí. ¹⁵ Tógyítá mí Sí búu a, mí bú. Mó su nabláa mli mbéé, Ɔhé ámu ɔ́bébláa mli asón ání nteblí ní.

Akasípó Amu Awirehɔ Pó Ansigyí

¹⁶ “Ílasi kpalobí mliméetrá wun mi, táme im'owa ɔ́pá kuku mlélawun mi.”

¹⁷ Akasípó amuto aku befité aba beé, “Ngya nto asón ní? Ɔbéé, ílasi kpalobí, animéetrá wun mu, táme im'owa ɔ́pá kuku, abélawun mu. Ɔdeblí é ɔ́béé, ‘N'oyó mí Sí wá?’ ¹⁸ ‘Ílasi kpalobí’ áñfi así mé? Animédé asón áñfi ɔ́deblí áñfi así nu.”

¹⁹ Yesu lébi ání akasípó amu budeklé abufite mu asón ámu. Mó su ɔ́lébláa am' ɔ́béé, “Blí ndeblí mbéé, ílasi kpalobí mliméetrá wun mi. Táme im'owa ɔ́pa kuku mlélawun mi. Iní mlidé aba fité ní? ²⁰ Ɔn'kwali nde mli bláa. Ml'osu kpisíi, táme ɔ́yít' ahá mú bénya ansigyí. Mlégyi awirehɔ, táme mli awireh'gyí amu íbéba bemlí ansigyí. ²¹ Ní ikwíi de ɔ́tsi dwiín á, ahumiti tekítá mu, tsúfé mu iwiasin wúunbi lafon. Táme onyákwíi tá pé ɔ́tetan mu iwiasin ámu, tsúfé ansí de mu gyí ání makwíi obí wá ɔ́yít'. ²² Alí kén igyi há mli ní. Ahumiti de mli séi, táme nélawun mli. Mó su mléhié nyá ansigyí ání ɔ́haa méetalí ká mli itin.

²³ “Alí eke ámu a, mliméetrá kulí mí t'ot'oto. Ɔn'kwali nde mli bláa. Tógyít'á ml'okulí mí Sí mí idát' a, ɔ́béha mli. ²⁴ B'otu nde mlim'ók'ofité t'ot'oto mí idát'. Mlifite, ɔ́béha mli, méní íbéhié wá mli ansigyí.

Yesu Ɔyísó Gyí

²⁵ “Nde mli asón áñfi bláa ayébisu, táme bré ku béba, mméetrá t'oi ayébisu. N'owuná kpa mí Sí asón

tati súná mli. ²⁶ Tsú bré ámuṣu pýa a, mlókulí mí Sí ámu ató mí idátó. Mmedéblí mbéé, mí obókulí mu ató há mli. ²⁷ Tsúfé mí Sí ámu onutó tɔdwé mli. Ɔtɔdwé mli, tsúfé mli tɔdwé mí, mlilahogyi ání notsú mu wá. ²⁸ Mí Sí wá notsu ba ɔyító. Séi á, ndeyinkí tsú ɔyító nɔyó mí Sí ámu wá.”

²⁹ Inu akasípó amu bebláa mu beε, “Ehéen! Séi mú á, fɔtráa fumedétoí ayébisu. ³⁰ Séi mú anlabí ání foyin tógyító. Mó su mehián ání ɔhaa ɔbétrá fité fó asuansu. Inu lahá anlahogyi ání lélé fotsú Bulu wá.”

³¹ Yesu léfité amó ɔbéé, “Séi mú mlilahogyi? ³² Bré ku íbá. Ifaṣon ta, mlédasáín. Mli tɔ okugyíokú ɔbóyo mu otsukpá sí mí. Táme iméesi mí nkule, tsúfé mí Sí ámu bu mí wá. ³³ Nabláa mli asún áñfi fée, ménu mlótson misu nyá iwilwii. Mlówun iwiasin ɔyí áñfitɔ, táme mliwa klun, tsúfé nagyí ɔyísó dodo!”

17

Yesu Lóbo Mpáí Mu Akasípó Nwunṣu

¹ Yesu léblí asún áñfi tá, olotsu ansí fúá kí ɔsúsó bó mpáí ɔbéé, “Oo mí Sí, bré laṣon. Wa mí numnyam, ménu mí é nówá fó numnyam. ² Tsúfé feha mí túmi ahá féesó, ání nháa ahá ání feha mí fée nkpa ání itamatá. ³ Nkpa ání itamatá ámu gyí, bobí fó Bulu Ɔnɔkwaliṣu ɔkukónó ɔkule pé áñfi, abubu mí Yesu Kristo anfi fɔpusísí ɔyító áñfi. ⁴ Nawá fó numnyam ɔsolóv anṣisu, tsúfé namó agyómá ámuó fɔpuhá mí ámu fée ɔnó. ⁵ Mí Sí! Wa mí numnyam fó ansító ngya, fé ahi ámuó mbu mú fó wá yáí asa fɔbwe ɔyí ámu.

⁶ “Nalé fó súná ahá ámuó fele ɔyító há mí ámu. Fúbú amó, fɔpu amó há mí, bagyi fó asúnsú. ⁷ Séi

babí ání tógyítóá mbu itsú fú wá. ⁸ Tsúfě nabláa amó asón ání fəpohá mí fěé, banú. Babí ání lélé fú wá notsú, bahogyi ání fólówa mí.

⁹ “Nde fú kokóli ha amó. Megyí ɔyító ahá fěé nde mpái bə há. Mboun ahá ámúú fəpohá mí ámu, tsúfě fóbó amó. ¹⁰ Mí klé igyi fú klé, fú klé é igyi mí klé. Fatsɔn amósú lé mí numnyam ɔwan. ¹¹ Nəbá fú wá séi. Mmétrá tsíá ɔyító, táme amó mú bobu ɔyító. Mí Sí Wankíhé, pu fú idá ámúú fəpohá mí ámu túmi kí amósú, méní bəbwe kole fé alí ámúú míá fonyɔ anigyí kole amu. ¹² Bréá mbu amó wá á, nekítá amó wankláán, idá ámúú fəpohá mí ámu túmitə. Nele ansí kítá amó wankláán. Mmeha amótó ɔkukɔ mófwi, dɔn ɔmɔamúú ida yai ání ɔbéhí ámu, fékí Bulu asɔn wanlínhé amu ibéba mótó. ¹³ Nəbá fú wá séi. Táme bré ánfí ntráa mbu ɔyító nfí nde asón ánfí blí, méní bénya ansigyí fé alí ámúú mí é mbu ansigyító amu. ¹⁴ Nabláa amó asón ámúú febláa mí ámu. Mú sɔ ɔyító ahá bude amó lu, tsúfě butráa bomegyí ɔyítófə, fé alí ámúú mí é mmegyí ɔyítóyín amu. ¹⁵ Mmedéblí mbéé, fuléé amó le ɔyító. Mboun mbéé fukí amósú wankláán, méní bumóowie lalahe ɔbwepó* ámu ibitə. ¹⁶ Alí ámúú mmegyí ɔyítóyín ngyi ámu a, alí amó é bomegyí ɔyítófə ní. ¹⁷ Fú asón ámu gyí ɔnəkwali. Tsɔn mósú afɔpu amó bwe fú klé. ¹⁸ Alí ámúú fəwa mí sísí ɔyító ámu a, alí mí é nawá amó sísí ní. ¹⁹ Amó sɔ nɔpu iwí há fú, méní amó é bótɔn ɔnəkwali amosɔ mlí fú klé.

²⁰ “Megyí mí akasípú amu nkole nde mpái bə há. Mboun ahá ání bótɔn amó atosunáhésɔ hə mí gyi fěé ndebə há. ²¹ Nde mpái bə mbéé, amó fěé bobwéé

* **17:15** ɔbonsám gyí lalahe ɔbwepó.

kuḷe. Mí Sí, alí á múú fòbù mítò, mí é mbù fùtò ámu a, ha amó é abotsia anitò alí kén, fówun òyító ahá bóhogyi ání fúlówa mí sísí òyító. ²² Nawá ahá ánfí numnyam amóú fòwa mí ámu, méní bóbwè kuḷe fè alíá ntsu tamatsun míá fonyò nsiné. ²³ Mbù amótó fè alíá fòbù mítò, méní bóbwè kuḷe, ntsu móòtsun amó nsiné. Ní íbá alí á, òyító ahá bébì ání fúlówa mí, fùtòdwé amó fè alí á múú fùtòdwé mí ámu.

²⁴ “Mí Sí! Ndeklé mbéé ahá á múú fòpohá mí ámu bétsiá mí wá òtíné á múú mbù amù. Fówun bówun numnyam amóú fòwa mí ámu. Tsúfè fùtòdwé mí asa fòbwè òyí. ²⁵ Mí Sí Yilé òbwepú! Òyítòfò bomebì fò, táme mí mu nyin fù. Ahá ánfí é buyin ání fúlówa mí sísí òyító. ²⁶ Nele fò súná amó. Nétrá le fò súná amó. Fówun òdwè á múú fùtòdwé mí ámu itsia amótó, méní mí é nétsiá amótó.”

18

Yesu Kitá

(*Mateo 26:47-56; Marko 14:43-50; Luka 22:47-53*)

¹ Yesu lóbo mpái ánfí tá á, mua mu akasípó amù benatí yótsun Kidron tsonkolitò wíé ndobii kutò.

² Yuda amóú òlele Yesu há ámu é yin ndobii amùtò, tsúfè Yesu mua mu akasípó butetsiá yéfia inu. ³ Mú sù Yuda lékpa Romafò isá akòpó pú Bulu òtswékpa agyópo akúá Bulu igyí ahapó òehen pú Farisifò bówa, bóyo inu. Bùde mbia, nkandíe pú akòtò. ⁴ Iníá Yesu yin tóá íbá m̀sù sù á, òledalí fia amó, fité amó òbéé, “Ma mlidédunká?”

⁵ Bèle mú ònó b̀e, “Yesu Nasaretyin amù.”

Yesu lébláa amó òbéé, “Mí ní.”

(Yuda amóú òde mu le há ámu é líí amó wá inu.)

⁶ Bréá Yesu lébláa amó òbéé, “Mí ní!” á, besankí

yédida lalá kpá. ⁷ Yesu lélafíté amó ɔbéε, “Mbée, ma mlidédunká?”

Bεbláa mu bεε, “Yesu Nasaretyin amu.”

⁸ Yesu lébláa amó ɔbéε, “Nakú bláa mli mbée, mí ní. Mú sɔ ní mí mlidédunká mó á, mliha ahá ánfɪ abunati.” ⁹ (Ɔlεbláa amó alɪ, ménɪ asún ámú ɔlεblí ámu ɪbεba mótó. Ɔbéε, “Ahá ámú ɔpɔhá mí ámɔtɔ ɔkɔkɔ mófwɪ.”)

¹⁰ Inu á, Simon Petro dé ɔdayí ɪya anyɔ, ɔlεbití mó lé, kpá Bulu igyí ɔhapú dehen osúmpó gyɔpɪ ɪsɔ. Osúmpó amu ɪdá gyí Malkus. ¹¹ Yesu lébláa Petro ɔbéε, “Sankia fó ɔdayí wa mó ɔfletɔ! Imehián ání nówun ɪwɪsɪn ání mí Sí lahá mí ɔbéε nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu ɪsá akɔpó ámu, amó ɔhandε pó Bulu ɔtswékpa agyópɔ amu bekítá Yesu, klí mu ɪbɪ.

¹³ Begyankpá kpá mu ya Kaiafa mu sia Hana. Kaiafa gyí Bulu igyí ɔhapú dehen offi ámɔtɔ ní.

¹⁴ Mɔlébláa Yudafɔ ahandε amu ɔbéε, ɪbɔ aléá ɔbakóε obówu ahá féé nwun sɔ ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mva ɔkasípú bambá bobuo Yesu. Bulu igyí ɔhapú dehen amu yin ɔkasípú bambá ánfɪ wankláán. Mú sɔ olobuo Yesu bitíwíé Bulu igyí ɔhapú dehen amu wóyító. ¹⁶ Táme Petro mó lési ɔlí wóyí ámu ɔnó. Ɔkasípú bambá ánfɪ óyin Bulu igyí ɔhapú dehen anfi lédalɪ yébláa otsibi ɔkuá ɔde wóyí ámu ɔnó gyo, ɔlekpa Petro ba wóyí ámɔtɔ. ¹⁷ Ɔtsibi amu léfíté Petro ɔbéε, “Megyí oyin ámu akasípú amɔtɔ ɔku fógyi?”

Petro léle mó onó obée, “Ekekeke. Mma amótó.”

¹⁸ Atsalu bu unu. Mó su asúmpú pú agyópu amu bɔɔɔdá ogyá, bulí mó asi. Petro é léyelí amó wá, ɔde ogyá ámu núu.

Bulu Igyí ɔhapó Dehen Léfité Yesu Asón

(Mateo 26:59-66; Marko 14:55-64; Luka 22:66-71)

¹⁹ Bulu igyí ɔhapó dehen amu léfité Yesu asón, tsú mu akasípú pú mó atosunáhé iwí. ²⁰ Yesu léle mó onó obée, “Ahá ansító nelí blí mí asón fée. Netsiá súná ató Yudafo ofiakpa pú Bulu ɔswékpa, ɔtínéá ahá fée bɔtefia. Mmɛblí asuansu nǎintɔ. ²¹ Ntogyi sù fòde mí asón ánfí fité. Fite ahá ání bonu asón ání nɛblí. Amó yín asón ání nɛblí.”

²² Bréá Yesu léblí asón ánfí á, unu agyópu amoto ɔkɔléá ɔlú mantáa mu léda mu isuto, fité mu obée, “Alí fèle Bulu igyí ɔhapó dehen asón onó ní?”

²³ Yesu lébláa mu obée, “Ní nablí asukpan á, le mó blí ɔhagyíɔha onu. Táme ní ɔnɔkwali nablí á, ntogyi su fòde mí da?”

²⁴ Yesu trá ɔda ɔfétó ɔhande Hana lópu mu sísí Bulu igyí ɔhapó dehen Kaiafa.

Petro Létrá Kiná Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ɔlú ogyá ámu asi, ɔku léfité mu obée, “Megyí oyin ánfí akasípú amoto ɔkɔle fogyi?”

Petro lóswí obée, “Ekekeke. Mma amótó!”

²⁶ Bulu igyí ɔhapó dehen amu osúmpú ɔku, ogyi ɔhá amóú Petro lékpa mu isu kɔle amu mu pio léfité Petro obée, “Megyí fóa munyo nowun ndobii amoto ní?”

27 Petro létrá swí pú ibi wá ogyá. Inunu bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

28 Oyi kehe bake-bake a, bekpa Yesu tsú Kaiafa wóyító ya Roma òhande ání òde Yudea òmású gyí wóyító. Yudafò ahande amu bumedékléá bópu ifin da iwí. Mú su bomebitíwíé wóyító inu. Tsúfè bodekléá béki ání amú iwí letin, ménì bétalí gyi Israelfòsu Katsun Nke ámu.* 29 Mú alì su Pilato lédalì ba kpankpá befité amú òbéé, “Amansu mlibu blí tsú oyin ánfì iwí?”

30 Bebláa mu beé, “Ní òhá ánfì mókóbwé lakpan á, teki animékpa mu ba fu.”

31 Pilato lébláa amú òbéé, “Mómú mlíkpa mu ya, amlyegyì mu asún mli mbla ònó.”

Yudafò ahande amu bele mú ònó beé, “Animá òkpa mós òha.” 32 (Asún ánfì léba mótó, ménì asún ámúú Yesu léblí tsú mu lowu ání obówu iwí ámu ibéba mótó.)

33 Inu Pilato léyinkí wíé wóyító. Múú òletì Yesu, fité mu òbéé, “Fúgyí Yudafò owíé amu ni?”

34 Yesu léle mú ònó òbéé, “Fú onutó asun fitéhé igyi, ntée akv lálbláa fu mí iwí asún?”

35 Pilato léle mú ònó òbéé, “Yudayin ngyi? Fú onutó ahá pú Bulu igyi ahapó dehen lékpa fú ba mi. Ntò fabwé?”

36 Yesu lébláa mu òbéé, “Megyí òyí ánfìtò nde iwíé gyí. Ní òyí ánfìtò á, teki mí abúòpu bókò hò mi.

* 18:28 Ní fowíé òhá ání omegyí Yudayin wóyító a, ifin lada fu.

Buméha bumóòpu mí wá Yudafò ahande ibitò, táme megyí òyí ánfító nde iwíe gyí!”

³⁷ Pilato léfité mu óbée, “Mómú yéè owíe fugyi á?”

Yesu lélé mú ònó óbée, “Ònòkwali fablí fée Owíe ngyi. Mí á, bòkwí mí neba òyí ánfító ání mbá ambegyi ònòkwali amu iwí adánsiè. Òhagyíoha ání ogyi Ònòkwali amu klé tɛyaa asu nú mí òmè.”

³⁸ Pilato léfité mu óbée, “Ntò gyí ònòkwali amu?”

Pilato Léha Òkpa Óbée Bumóò Yesu

(Mateo 27:15-31; Marko 15:6-20; Luka 23:13-25)

Pilato léblí asún ánfí tá á, òlètrá dali yò Yudafò ámu wá wóyí ònó mu. Òlèbláa amú óbée, “Mmòkówun lalaha kòkòkòvá nòpòhá oyin ánfí ipón. ³⁹ Táme mli amándíé ònó á, ntesí obu òdipú òkòlè há mli Katsun Nkè kugyíkòtò. Mlídéklé mliha, nsíi Yudafò Owíe anfi ha mli?”

⁴⁰ Bòkplón lè mú ònó bée, “Èkèkèkè! Megyí mu. Si Baraba ha aní.” (Ogyo otswapò Baraba é gyí).

19

¹ Inu Pilato léha bekpa Yesu ya, yépití mu ató wankláán. ² Isá akòpó amu bòlu obungyo-awu, bwé mú owíepa bun mu nwun, bowa mu ligá pèpè kú. ³ Inu benatí bwé mu ahinlá bée, “Yudafò Owíe, fò nkpasu ònlinsu!” Fówun badá mu isutò kpa.

⁴ Pilato létrá dali yò wóyí ònó mu yébláa amú óbée, “Nakpá mu neba mli, amliwun ání mmòkówun lalaha kòkò mu iwí.” ⁵ Bréá Yesu lédali ba a, obungyo-awu ipa ámu bun mu nwun, òlòwa ligá pèpè amu. Pilato lébláa amú óbée, “Mu ní!”

⁶ Bulu igyí ahapó dehen pò Bulu otswékpa agyópu amu benya wun mu pé, bòsurá okitikíti blí bée,

“Da mu manta oyikpalíhesu! Da mu manta oyikpalíhesu!”

Pilato lébláa amó obéé, “Mli onutó mlíkpa mu ya, amliyeda mu manta oyikpalíhesu. Mí mó mməkówwun lalahε kuku mu iwíá nópohá mu ipón.”

⁷ Yudafɔ́ amu bebláa mu beε, “Ani mbla onó á, ilehián aní obówu. Tsúfé ɔleblí obéé, Bulu mu Bi mgyi.”

⁸ Bréá Pilato lónu asón ánfí á, ifú létrá kitá mu tsía mótó. ⁹ Oleyinkí yó mu wóyító yéfité Yesu obéé, “Nkónó fotsú?”

Táme Yesu mékpla mu. ¹⁰ Mó su Pilato léfité mu obéé, “Fuméekplá mí? Fumeyín aní mbu túmiá nétalí sí fú ntée nétalí há beda fú mántá oyikpalíhesu mó fú?”

¹¹ Yesu léle mó onó obéé, “Ní megyí Bulu léha fú ɔkpa á, teku fuma túmi kuku mísú. Inu su ɔhá amóú ɔlɔpu mí wá fú ibitɔ́ amu lakpan dun fú klé.”

¹² Pilato lónu asón ánfí á, olekle osi Yesu. Táme Yudafɔ́ amu bɔsurá okitikíti kóklókúú blí beε, “Ní fesi ɔhá ánfí á, mómú megyí Roma owíe dehen* mu nyawie fɔgyi. Tsúfé ɔhagyíɔha aní ɔblí obéé owíe mgyi á, alakúsú líí Roma owíe dehenso!”

¹³ Bréá Pilato lónu asón ánfí á, ɔlekpa Yesu dáli ba kpankpá, tsía mu asúngyí obiá aní itsie ɔtinekuá bɔpu abwi bwé inu, butetí inu “Abwitɔ́” su. (Butetí inu “Gabata” Hebri ɔblítɔ́.) ¹⁴ Eke amu igyi ogyá ɔɔɔdáké há Israelfɔ́su Katsun Nke. Ibóbwε fé ɔpa dódúanyɔtɔ́ á, Pilato lébláa Yudafɔ́ amu obéé, “Mli Owíe amu ni!”

¹⁵ Bɔsurá okitikíti beε, “Kpa mu ya, kpa mu ya, afɔyeda mu manta oyikpalíhesu.”

* **19:12** Roma Owíe dehen gyí Kaesare.

Pilato léfité amó ðéé, “Ndáa mli owíe manta oyikpalíhesu?”

Bulu igyí ahapú dehen amu bebláa mu beé, “Animá owíe ðokòvò dùn Roma owíe dehen!”

¹⁶ Inu Pilato lési Yesu há amó ðéé buyéda mu manta oyikpalíhesu.

Yesu Da Mántá Oyikpalíhesu

(*Mateo 27:32-44; Marko 15:21-32; Luka 23:26-43*)

Isá akápó ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alu yéwie òtinekúvá butetí inu “Nwun Okokobi Otsiákpá.” (Butetí inu “Golgota” Hebri òblító.) ¹⁸ Bèda Yesu mántá oyikpalíhesu inu, bèda ayin abanyó aku é mántá nyikpalíhesu mu wá inu. Òkule bu Yesu binasú, òkule é bu mu gyòpísu, Yesu bu amó nsiné. ¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFÒ OWÍE.” ²⁰ Yudafò tsòtsòtsò bekla asun wanlínhé anfi. Tsúfè òtíné ámúvò bèda Yesu mántá oyikpalíhesu ámu ibu mantáa Yerusalem. Òleha bòwanlín asón ámu Hebri òblí, Roma òblí pú Griiki òblító. ²¹ Bulu igyí ahapú dehen amu bebláa Pilato beé, “Máwanlín fèé, ‘Yudafò Owíe.’ Mboún wanlín fèé, ‘Oyin ánfí ðéé, mígyí Yudafò Owíe.’ ”

²² Pilato lébláa amó ðéé, “Múá nawánlín á, nawánlín mú dodo.”

²³ Isá akápó ámu bèda Yesu mántá oyikpalíhe amusu tá á, botsu mu atadié, beye mótó aku ana. Okugyíòkòvò klé kòlé. Botsu mu ligá ání bòlvò mú tsú òsósó beyi asi. ²⁴ Inu bebláa aba beé, “Mlímáha abali atadié ánfí mótó. Mlíha atswí abi kí beé, ma

obénya mú.” Asón ánfí léba, méní Bulu asón á múó
bɔwanlín tswí bεε,

“Beye mí atadiεtɔ,

bɔtswí abi mí ligású” amu íbéba mútó.

Isá akɔpú ámu bɔbwe dínká músó.

²⁵ Yesu mu yin, mu yin mu pio tsíhé Maria, ogyi Klopa mu ka pú Magdalayintse Maria bulí oyikpalíhe amu asi. ²⁶ Bréá Yesu lówun mu yin pú mu ɔkasípó á múó ɔtehíé dwé ámu, bulí mantáa inu á, ɔlebláa mu yin ɔbéε, “Amú yín, fú bí ní.”

²⁷ Múó ɔlebláa ɔkasípó amu é ɔbéε, “Fú yín ní.” Tsú εke ámu a, ɔkasípó amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Iní ɔma a, Yesu lówun ání mu agyómá lamó ɔnó. Múó ɔleblí ɔbéε, “Ɔmewóli de mí.” Iní leha Bulu asón á múó bɔwanlín tswí amu íléba mútó.

²⁹ Onuwé ku tsie inu, ntá ɔdái íbɔ mú. Isá akɔpú ámu bɔpu ɔsapɔ dá ntá ámutɔ púsíán oyísú, tsú mú fúá yétin mu ɔnó. ³⁰ Yesu lékpíkúpú mú mé. Inu ɔleblí ɔbéε, “Ílatá!”

Múó oloko nwuntɔ wá, ɔlele ɔñé á.

Yesu Abintɔ Ató Wɔ

³¹ Εke ámu igyi Fieda. Mú ɔyi kehe igyi ɔkpónú ɔdaké kpɔnkpɔntí há Yudafɔ. Mú su bumekle ání ahá ámu busíán nyikpalíhe amusu yófun owi tahé.† Mú su bɔkulí Pilato ɔkpa bεε ɔháa mu ísá akɔpú abuyebiabía amú ayabi, méní bókɔsí wú, fówun béle amú tsu nyikpalíhe amusu asa owí ɔta. ³² Mú su bɔyɔ yébiabía ayin abanyó ámu ayabi. ³³ Táme

† **19:31** Yudafɔ ɔkpónú ɔdaké tefi asi tsú owi tahé.

bréá bowie Yesu wá á, bowun ání alawú dodo. Mú su bumebia mu ayabi. ³⁴ Táme isá akəpó ámotə əkule lópυ mu pía wə Yesu abintə, ntsu móa obugya ləfen dali. ³⁵ (Ọhá ámú olowun mó ámu légyi mó iwí adánsiε, fówun mli é mlóhogyi. Megyí afunu igyi. Oyin ání əkəwali asón mudebli.) ³⁶ Iní fée léba mótó, méní Bulu asón ámú bəwanlín tswi bεε, “Buméebia mu iwú kukukukú” ámu íbεba mótó. ³⁷ Bulu ason wanlínhé ámu kén lεbli əkéε, “Béki ọhá ámú bəwə mu abintə pía ámu.”

Yesu Pulá

(*Mateo 27:57-61; Marko 15:42-47; Luka 23:50-56*)

³⁸ Iní fée ọma a, Arimateayin Yosef léba bokokóli Pilato əkéε, ọpúv Yesu fúli ámu ha mu. (Yosef anfi buo Yesu ọáintə, tsúfé ọde Yudafə ahandε ámu ifú nya.) Pilato léha mu əkpa. Mú su Yosef léyεle Yesu fúli ámu oyópulá. ³⁹ Nikodemo ámú ọlεba Yesu wá εke əkυ onyé ámu é léba. Ọlρv afá fánfáanfán aku anyo‡ ání bəkwe mú wá abato tsətsətsə ba. Mú odwin bóbwe kílo advasa (30). ⁴⁰ Ayin anfi bəpú ọhráda kíklí afá ámu mántá fúli ámu iwí fé alá Yudafə butəbwé ámu afúli asa butópulá ámu. ⁴¹ Ndobíi kv íbv mantáa ətíné ámú bεda Yesu mántá oyikpalíhesu ámu. Bolotí butátó bwé mú fúli-óbó ínv. Buməkópulá ọhaa mótó kí. ⁴² Iníá εke ámu igyi ogyá ọdudáké, fúli óbó ámu é íbv mantáa ínv su á, bopulá Yesu mótó.

20

‡ **19:39** Afá aku anyo ámu adá gyí mire móa aloe.

Yesu Kvsó Tsú Afúlitó
(*Mateo 28:1-8; Marko 16:1-8; Luka 24:1-12*)

¹ Ndawótswító eke gyankpapu, igyi Kwaseda baka-bake, bréá nsaintó mókótítí a, Magdalayintse Maria lóyo Yesu opulákpá inu. Olenya wíe inu alí olowun ání bamína ibwi ámu lé obó ámu onó. ² Mú su oleyinkí srí ba akasípú amú Yesu tshíe dwé mu amu muva Simon Petro wá, bebláa amú obéé, “Balé Yesu obó ámuoto. Anuméyín otínéá bapú mu yówa!”

³ Mú Petro muva munya bapu akpa boyó opulákpá inu. ⁴ Amú abanyó ámu féé betsíí asrí, táme asrí sí Petro gyankpá yówie opulákpá inu. ⁵ Bréá olobun ki ntsán ámuoto á, olowun ání ohráda ámu kpán dá, táme omebitíwíe mótó. ⁶ Simon Petro lóboto mu, olotsun bitíwíe ntsán ámuoto, olowun ohráda amu da. ⁷ Olowun ohráda amú baputó mu nwun ámu é, ilokuntá ida ifóntó. ⁸ Okasípú amú olegyankpá wíe inu ámu é lébitíwíe mótó, wun ohráda ámu pú mó amú baputó mu nwun ámu alí olohogyi. ⁹ Bré ámuoto á, Bulu asun wanlínhé amú deblí obéé, ilehián ání Yesu obókvsó tsú afúlitó ámu makónyá wánkí amú. ¹⁰ Beyinkí yó wóyí.

Yesu Iwíwanle Súná Magdalayintse Maria
(*Mateo 28:9-10; Marko 16:9-11*)

¹¹ Táme Maria lési olí opulákpá inu odesú. Bréá odesú a, olobun ki obó ámuoto. ¹² Inu olowun Bulu-abapu abanyó ání bowa atadie futútúútú, botsie otíné amú bapu Yesu fúli tswi amu. Okule tsie mu adianwun, okule tsie ayabiasi. ¹³ Befité mu beé, “Amú yín, nkáli igyi só fodesú?”

Okule mó onó obéé, “Balé mí Wíe náí. Mmeyín otínéá bapú mu yótswi!”

14 Ɔleblí tá á, ɔledamlí kɪ ɔma. Ɔkɪ a, Yesu líí mɔ ɔma, táme ɔmebiá Yesu ni. 15 Yesu léfité mɔ ɔbéε, “Amó yín, nkálí ígyi sɔ fodesú? Ma fodedunká?”

Mɔ mó ɔkɪ ání ndobii amɔtɔ agyómá ɔɔpú ní. Mó sɔ ɔlebláa Yesu ɔbéε, “Anɪ sí, ní fólatsú mɔ yótswɪ ɔtɪnɛkɔ á, suna mí, anyetsu mɔ nati.”

16 Yesu lókpolí mɔ ɔbéε, “Maria.”

Ɔledamlí kɪ, kpólí Yesu Hebri ɔblító ɔbéε, “Rabuni!” (Mó asɪ gyí, “Osunápó.”)

17 Yesu lébláa mɔ ɔbéε, “Mápu ɪbi da mi, tsúfé mmakónyá yó ɔsúsú mí Sí wá. Mboun nati yebláa mí apíó ámu fεε, nɔyó mí Sí ání ogyi mli Sí wá. Nɔyó mí Bulu ání ogyi mli Bulu wá.”

18 Magdalayintse Maria léyebláa akasípó amɔ ɔbéε, “Nawun anɪ Wíε!” Ɔlebláa amó asón ání Yesu lébláa mɔ.

Yesu Iwɔwanɛ Súná Mɔ Akasípó

(*Mateo 28:16-20; Marko 16:14-18; Luka 24:36-49*)

19 Kwasiɛda ámu ntópwesɔ á, akasípó amɔ befia. Befin obu wá ɪwi, tsúfé buɛ Yudafo ahande amɔ ifú nya. Inu á, Yesu lébelí amó nsɪné, ɔlebláa amó ɔbéε, “Iwi ilwii mli.” 20 Ɔlebláa amó alɪ tá á, ɔɔpu mɔ ɪbitɔ pú mɔ abuntɔ súná amó. Ansí légyi amó, tsúfé bawun amó Wíε. 21 Yesu létrá bláa amó ɔbéε, “Iwi ilwii mli. Alɪ ámú mí Sí lawá mí ámu a, alí nde mli wa ní.” 22 Inu ɔɔɔɔn ɔhé fó wólí amósú, bláa amó ɔbéε, “Mliho Ɔhe Wankíhé amɔ. 23 Ní mlesi ahá lakpan kíε amó á, Bulu lasíkíε amó. Táme ní mli mési kíε amó á, Bulu méesi kíε amó.”

Yesu Iwɔwanɛ Súná Toma

24 Bréá Yesu léba a, amótó okoleá butetí mu Toma, butelátí mu Tabí má inu. 25 Mú su akasípó atráhe amu bebláa mu beε, “Anilawun aní Wíe!”

Táme Toma lébláa amú obée, “Ní mməkówun mu ibitə ndatobi nlə ámu, kpíé osrebi wá mótó, kpíé ibi wá mu abinto ələ ámutə á, mmóohogyi ekekekeke.”

26 Nkekwe əma a, akasípó amu betrá fia obu ámutə. Alí eke ámu mú á, Toma bú amótó. Befin obu ámu, táme Yesu lébelí amú nsiné, bláa amú obée, “Iwi ilwii mli.” 27 Múú əlebláa Toma obée, “Kí mí ibitə, kpíe osrebi wa nfi. Kpíe fú ibi wa mí abinto. Si nwéen gyí, afuhogyi!”

28 Toma léle mú onó obée, “Mí Wíe pú mí Bulu!”

29 Yesu lébláa mu obée, “Alí ámúú fawun mi ámu su fahogyi lóó? Ansí bégyi ahá ámúú bəməpu amú ansíbi wun, asa bohogyi amu!”

Tóá Súd Bəwanlín Əwuló Anfi

30 Yesu létrá bwe osúna tsətsəətsə mu akasípó amu ansító aní bəməwanlín wá əwuló ánfitə. 31 Táme bawánlín ini, méni mlóhogyi aní Yesu gyí Bulu mu Bi Kristo amu. Asón ánfisv hóggyi obéha mlénya nkpa aní itamatá mu idátó ní.

21

Yesu Iwiəwanle Súná Akasípó Abasiénó

1 Iní əma a, Yesu létrá le iwi əwan súná mu akasípó Tiberia əpu* onó tsən əkpa ánfisv. 2 Simon Petro mva Toma aní butelátí mu Tabí, Nataniel, otsú Kana wúluá ibv Galilea əmátó, Sebedeo abí ámu pú akasípó abanyó é befia. 3 Simon Petro lékla amú obée, “Nəyó əpusv yéle aye.”

* 21:1 Butetráa ti mú Galilea əpu.

Bebláa mu bee, “Ani é abóbuo fu yó.” Ini su boyówie oklontó náti. Táme betsiá ntsusu onyé ámu fée, bumenya tótó. ⁴ Bréá gyí ibá beke a, bowun oku líi opu amu onó. Bumebi ání Yesu ni. ⁵ Mú Yesu léfité amó obée, “Mí anyawíe, mlíménya tótó?”

Bele mú onó bee, “Ee!”

⁶ Yesu lébláa amó obée, “Mlitswi asawu amu wa gyopisu fón, mléle aye.” Mú su bōtswi wa inu. Aye labulá asawu amu, bumetalí bití mú lé.

⁷ Mú okasípó amó Yesu tēhié dwé ámu lébláa Petro obée, “Ani Wíe Yesu ni!” Bréá Petro lónu ání ani Wíe Yesu ni á, olotsu mu atadiē mla iwi. (Tsúfē olwóí mu atadiē tswi), olotu wíe ntsu ámutó gyuaa, odepití gyó Yesu wá. ⁸ Táme akasípó atráhe amó búbu oklontó ámu bebítia asawu amó aklemetí búbu mú ámu ba osubúnó, tsúfē búma ífó opu onó inu. Mú ífótó bóbwe fé ayabi lafasa (300). ⁹ Bréá bowie opu onó á, bowun ání bawá agyawunu ogyá, búde iye tó músó, bodobodo é da mú asi. ¹⁰ Mú Yesu lébláa amó obée, “Mlile aklemetí amó mlilalé ámu ku ba.”

¹¹ Mú su Simon Petro léyinkí dó wíe oklun amutó, oleyébitia asawu amó aklemetí akpōnkpōnti búbu mú ámu bōtswi opu onó. Aklemetí ámu bugyi lafakule aduenu-sa (153). Iníá bōtsó ó á, asawu amu metítí. ¹² Yesu létí amó obée, “Mlibegyí ató.” Amótó okokó metálí wá klun fité mu obée, “Ma fgyi?” Tsúfē bebi ání amó Wíe ni. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókúsúa Yesu tsú afúlitó oma a, íni gyí otse saasi ání olele iwi owan súná mu akasípó amu ni.

Yesu Mva Petro

15 Bréá begyi nyanki atogyihe amu tá á, Yesu léfité Simon Petro ɔ́bée, “Yohane mu bi Simon, fɔ́tɔ́dwé mí dɔ́n fú aba ánfí lóó?”

Petro léle mú ɔ́nó ɔ́bée, “Ee, mí Wíé, foyin ání ntɔ́dwé fú.”

Yesu lébláa mu ɔ́bée, “Kí mí akúfabi amusu.”
16 Ɔ́letrá fité Petro otse nyɔ́ɔ́si ɔ́bée, “Yohane mu bi Simon, fɔ́tɔ́dwé mí?”

Petro léle mú ɔ́nó ɔ́bée, “Ee, mí Wíé, foyin ání ntɔ́dwé fú.”

Yesu lébláa mu ɔ́bée, “Kpa mí akúfa amu.” 17 Yesu léfité mu otse saasi ɔ́bée, “Yohane mu bi Simon, fɔ́tɔ́dwé mí lélé?”

Ulehan Petro, tsúfé otse saasi Yesu lafité mu ɔ́bée, “Fɔ́tɔ́dwé mí?” á. Mú su ɔ́lele mú ɔ́nó ɔ́bée, “Mí Wíé, fú onutó foyin tógyító. Yéé foyin ání ntehié dwé fú!”

Yesu lébláa mu ɔ́bée, “Kí mí akúfa amusu.”
18 Ɔ́nɔ́kwali nde mli bláa. Bréá fúgyi ɔ́yasubi á, fú onutó fɔ́tetáli tsú fú atadié híhié iwí, kósú yó ɔ́tínegyíɔ́tínéá fɔ́deklé. Táme ní fɔ́bwé oyin dehen a, fétinkí ibi, há ɔ́ku ɔ́bédídá fú ató, kpá fú ya ɔ́tínéá fɔ́medékle.” 19 (Yesu lébli asón ánfí, púsúná ɔ́kpa ání Petro ɔ́bótsun músó wú púwá Bulu numnyam.)
Inu ɔ́lebláa Petro ɔ́bée, “Buo mi!”

Yesu Mva Ɔ́kasípó Ɔ́tehié Dwé

20 Petro lédamlí kí a, Yesu ɔ́kasípó amú ɔ́tehié dwé ámu buo amú. (Múgyí ɔ́há amú ɔ́leyinkí kpísá Yesusu ntópwe ató ogyíkpa, fité mu ɔ́bée, “Owíé, ma ɔ́béle fú há?” ámu ni.) 21 Bréá Petro lówun mu a, ɔ́lefité Yesu ɔ́bée, “Mí Wíé, ntɔ́ ɔ́béba oyin ánfí ésú?”

22 Yesu léle mú ɔ́nó ɔ́bée, “Ní ndeklé mbéé otsía nkpa yófon bréá néyinkí ba a, fú asón igyi? Fú mú buo mi wole!”

²³ Asón ánfí ðekleí wá Yesu abúopp amvto, ání alí ðkasípó amv mύ móowu. Táme Yesu mébli ðbéε, omóowu. Blí ðleblí ðbéε, “Ní ndeklé mbée, otsía nkpa yófvn bréá néyinkí ba a, fó asón igyi?”

²⁴ Mvgyí ðkasípóá olowun íni féé, ððwanlín mύ tswi ni. Aniyin ání mv asvn blíhé anfi igyi ðnðkwali.

Ἰνόμο

²⁵ Ató tsotsðtsð itráa bv ðnvá Yesu lóbwε tsía ínvto. Ní ððwanlín mύ féé wá nwsulótó ikvle-kvle a, teki ðvméenya nwsuló ámv ðyaíkpá ðsulúv anfvsv. Natóí tá.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b